


Aruba Corona:

Positivo	101	Cuarentena	28
Recupera	82	Activo	17
Negativo	1679	Morto	2

COOL CASINO A BIRA COOL PA SU TRAHADORNAN



**7 aña di
 morto di
 Helmin Wiels:
 Esnan cu a
 pone placa
 ainda ta liber**



**Hueznan a reacciona riba caso di Notario Yarzagaray.
 Di ningun manera ta influencia
 casonan di nan famianan**



Corsou ta habri bek diabierna 8 di Mei

Durante un rueda di prensa, Gobierno di Corsou a informa cu diabierna awor, 8 di Mei, Corsou ta cla pa habri bek. Nan ta elimina e lockdown y e economia interno ta cuminza lora. Docter virologo Issy Gestenbluth a splica cu e team di maneho a haci varios analisis y nan a yega na e conclusion cu diabierna awor ta e fecha pa elimina e lockdown.

E toque de queda den hora di anochi lo keda.

Nan lo bay evalua con e etapa aki ta bay y si resulta cu por conduci na un aumento di caso di coronavirus, nan lo adapta e maneho bek. Pues e apertura no ta un garantia cu e lo keda habri, pero lo evalua con e lo cana.

Corsou a testa algo mas di 300 persona y ta para na un total di 16 caso positivo registra.

Accidente na rotonde di Tanki Leendert



Remetido

EL A REKIRI UN CRISIS...

Dia 29 di April 2020, Parlamento di Aruba, den cuadro di e 'crisis di Corona' a tuma un decishon importante, reduciendo entrada di Parlamentario cu 25%. Ademas gobierno a para biahe, entre otro pa Parlatino. Tur esey ta bon noticia, anke e prome decishon en principio ta conta solamente te cu december 2020. Sinembargo, pa diferente motibo, mester trata aki di un 'corecshon' definitivo. Codicioso

Dia 14 di juli 1997, nos parlamentarionan unanimamente a aproba ley cu nan mes a concipia den hopi pura pa mehora nan posishon financiero-huridico excesivamente. Entre otro casi a redobla nan salario mientras cu por a cobra un penshun completo cu 50 aña despues di apenas tres termino como parlamentario. A regla esaki den nochi scur, scondi for di comunidad di Aruba y contra e consehonan di literalmente tur (!) instancia di conseho y control manera Servicio Central di Accountant, Directie Personal y Organisashon, Controlaria General, Conseho di Consulta, Directie Wetgeving y Banco Central. Durante hopi tempo a negligisha completamente e protestanan feroz di comunidad y e critica fuerte pa cu e biahenan di placer costoso y completamente inutil pa reunion di Parlatino. Ta te 2014, tempo cu a aumenta edad di penshun pa empleado publico, a aumenta esun di parlamentario tambe pa 65 aña. Pero te ainda parlamentario por logra acumula un penshun completo den apenas 12 aña!

E practica parlamentario

Durante e añanan cu a sigui, e mehorashon di e posishon financiero-huridico inhuisto y den cierto sentido asta ilegal di parlamentario no a conduci na 'trabou

productivo'. Al contrario, (mayoria di) Parlamento a sigui aproba ciegame te practicamente tur cos cu gobierno tawata dicta. Merecidamente a haya e apodo di Stempelparlement. Riba dje el a negligisha su tarea di control casi completo. E tantisimo biahenan aparentemente tawata un motibo importante pa e frecuencia limita di reunion. Por ta pesey Aruba te ainda ta e unico pais den Reino sin ley di financiamiento di partido politico, ombudsman, credito pa consumidor y medio ambiente. Di e tareanan cu Constitushon ta prescribi pa Parlamento, ningun a keda (adecuadamente) concretisa. Pesey Parlatino sin mas ta co-responsabel pa e desaster financiero di Aruba y pues pa e echo cu Aruba a drenta e crisis di Corona como un paciente den coma den cuida intensivo.

Perspectiva

Sin duda e colapso di economia di Aruba tin consecuencia pa termino largo. E gran cantidad di desempleado den nos principal mercado di turismo, esta Estado Unido, ya caba ta monta na mas di 30 miyon. Esey a/lo baha e nivel di prosperidad considerablemente. Economia di Merca lo cay den un receshon serio cu posibilidad pa un depreshon. Bou di e circunstancianan aki un pronto recuperashon di economia di Aruba ta improbabel.

Pa sobrevivir, Aruba tin mester di hopi ayudo financiero (y probablemente pa hopi tempo largo). Pa motibo di e peso di debe cu ta hopi halto caba, un apelashon riba mercado di capital internashonal ta practicamente inalcanzabel. En realidad lo resulta cu solamente Hulanda por 'kier' duna e ayudo necesario. Gran parti di e

ayudo aki posiblemente lo ta prestamo cu lo aumenta a monton di debe enormemente. Cancellashon di e debe aki, ademas di pago di interes, pa e decadanan benidero lo forma un peso insuperable pa Aruba. Pesey ta inevitable cu Aruba lo mester sigui economisa. Tur esaki ta haci inaceptabel pa nos parlamentarionan recupera nan entrada y posishon huridico inhuisto riba termino corto y asta mediano.

Corecshon general

Durante e ultimo decadanan, y entre otro pa motibo politico-partidista, a afecta e sistema salarial di gobierno negativamente, no solamente pa politico, pero tambe pa otro parti di sector publico. Especialmente a haci hopi (mal) uzo di e fenomeno di 'toelage'. Pero a pesar di repetishon frecuente di advertencia y recomendashon, nunca a implementa corecshon. E ultimo intento di Directie Personal y Organisashon pa un reforma necesario di e 'areglo di salario di Aruba' ta data di 2006. Manera di custumber, 'politica' a negligisha esaki tambe y a laga e asunto pa su cuenta. E crisis actual cu ta rekeri adaptashon di 'practicamente tur cos' ta un oportunidad perfecto pa implementa aki tambe corecshon substancial y duradero! Ta di spera cu Parlamento lo uza e 18 lunanan benidero di estadia obligatorio na Aruba na un manera eficiente y efectivo pa recobra of coregi e atraso- y fayonan di e ultimo 34 añanan. Asina, gracias na e crisis di Corona, pa di prome biaha posiblemente lo por dispone di un Parlamento cu lo produci di berdad a cambio di e placa valioso cu comunidad di Aruba ta pone disponibel!

Hueznan a reacciona riba caso di Notario Yarzagaray.**Di ningun manera ta influencia casonan di nan famianan**

Recientemente den prensa a sali publicacionnan tocante un desalohamento di un cas. E veredictonan ariba cual e desalohamento ta basa (veredicto di e kort geding di 30 di Oktober 2019 [1] y 25 di Maart 2020 [2]) no a wordo pronuncia door di un familiar di un di e partidonan. Hueznan nunca ta trata

casonan di nan famianan y ariba ningun manera ta influencia casonan pendiente na Corte di nan famianan.

Esaki ta salvaguardia den e codico di comportacion di hueznan, e asina yama gedragscode rechterlijke macht, cual ta publica ariba e website di Corte Comun di Husticia.



Dr. Genser:

SVb ta prepara pa duna empresanan training riba protocolnan durante e normal nobo

SVb ta prepara pa duna training na empresa riba e protocolnan presenta. Lo brinda training na empresanan y tambe facilita tools y tips, por ehempel checklist pa e dunador di trabao percursa pa tin y pa sigui tin tur cos in place pa por traha mas sigur cu ta posibel.

Di parti di SVb ta pidi traha y doño di trabao pa tene cuenta cu esaki. E

bishitante di tur negoshi pa tene cuenta, bay riba e website di arubacovid19.org.

Ta haya e protocol aki. Tur mester sigui esaki pa evita cu e numbernan ta bay subi.

Kier wanta nan mas abao cu ta posibel. Hunto pro haci esaki. Semper pidi un stap na banda dibo pa bo 2 meter, hala un stap atras, pa asina tur hunto bay dilanti.



Parlamentario Rocco Tjon:

Hulanda demostrando confianza den Prome Minister Evelyn Wever-Croes



Siman pasa Gobierno Hulandes a aproba pa di dos biaha un fianza pa Aruba sin interes. E fianza aki ta pa dunadornan di trabao por mantene nan empleadonan na trabao. Esaki ta muestra cu Hulanda ta di acuerdo cu e maneho y vision di Gabinete Wever-Croes.

AVP HUNGANDO POLITICA MEY MEY DI CRISIS

E ta incomprendibel cu bo ta haya ex-ministernan di AVP ta sigui malinforma pueblo. Ta trata di crea panico door di insinua cu Gobierno di Reino no a aproba e suma di 1.3 biyon florin. Ta netamente e actitud aki y falta di seriedad a percursa cu na 2014 Hulanda a perde confianza den Gabinete Eman y a duna Gabinete Eman un KB pa mal gobernacion. Ta importante pa Parlamentarionan

di AVP lesa nan documentonan pasobra e ora nan lo ta altanto cu no tin niun peticion pa aprobacion di 1.3 biyon florin. Esaki ta simplemente wega partidista di AVP y su ex-ministernan.

MANEHO FINANCIERO DI GABINETE WEVER-CROES TA CONFIABEL

Na final di 2019 "Raad van Advies" y CAFTA bisa cu lo logra e normanan financiero. Y e cifranan di realizacion cu ta conoci ta demostra cu na 2019 a te hasta supera e normanan palabra. Na aña 2019 Aruba a conoce un surplus di 11.3 miyon florin. Pa loke ta e gastonan di personal tambe ta wak aworaki cu esakinan ta menos cu loke a wordo presupuesta na 2019. Esaki ta resultado di un maneho serio y responsabel. Na 2020 pais Aruba lo

a conoce un surplus di 44 miyon florin pero lamentablemente mundo a wordo confronta cu COVID-19. Pa e motibo aki nos ta condena cu AVP ta sigui haci politica pa crea panico. E aprobacion y yudanza cu Hulanda mester brinda no ta pa Gabinete Wever-Croes, pero pa tur esnan cu a sali perhudica debi na e crisis. Y ta como si fuera AVP ta contento si e famianan aki no haya e ayudo.

PA CONCLUI

Aworaki nos mester para uni y para fuerte pa Aruba. Nos ta spera cu AVP comprende cu e mester pone su interes personal politico y su interes partidista un banda aworaki.


Nos tin tur confianza cu, cu poder di Dios, bao liderazgo di nos prome minister, sra.mr. Evelyn Wever-Croes nos lo supera e retonan actual.

Accidente na rotonde di Tanki Leendert



Diadomingo atardi a drenta informe di un accidente cu heridos pazuid di rotonde Tanki Leendert.

Mesora a dirigi tanto polis como ambulance pa e sitio. Na yegada di e patruya na e sitio a bin constata cu aki ta trata di un accidente pa falta di preferencia. Ambulance a presenta na e sitio y a atende cu e heridonan y a transporta 2 persona pa hospital pa mas tratamiento medico.



Cool Casino a bira cool pa su trahadornan: Trahadornan di Cool Casino ta sin salario, sin cuminda y doñonan Esteban y Lacle ta nenga di duna cara

Cool Casino ta otro casino cu tambe ta den problema. Trahadornan no a yega na acuerdo cu gerencia di Casino y no ta cobrando nan salario. Trahadornan ta busca tur manera pa drenta contacto cu sr. Lacle, gerente o accionista di e casino, pero sr. Lacle ta sconde y no kier duna cara. Ta otro compania mas cu a probecha di FASE y manda trahadornan pa bay aplica pa FASE.

Sindicato FTA ta representa e trahadornan, pero FTA tambe tin dificultad pa por comunica cu e compania.

Solo a ricibi un carta di un empleado, cu ta conta nos con tur cos a bay y con e situacion ta awor:

Pa medio di e email aki nos como empleado nan di Cool Casino ta manifesta nos mal contento pa cu e director local sr. Sandro Lacle .

Sr. Lacle cu door di su ignorancia no por a comunica ni cu empleado nan ni cu e doño nan pa cu e situacion di Covid-19. Empleado nan a wordo manda cas via whats app dia 18 di Maart 2020 y pa regresa dia 01 di April 2020.

Dia di 19 di Maart 2020 a paga e empleado nan e quincena di 1-15 di Maart den cash na unda cu niun momento director Sandro Lacle tabata presente pa informa verbalmente of por escrito kico lo pasa cu e empleado nan y un actie plan mutuo.

Como cu empleado nan no a hanja un comunicado di sr Lacle, nan a procede pa pidie un carta pa por sa kico lo ta e siguiente proceso nan.

Hasta ela wordo aserca door di FTA. Dianan a

pasa y nigin reaccion a wordo recibi.

Constantemente e director tawata indica pa lesa e articulo di David Kock pa cu No work no pay, noticia nan di gobierno y comunicado nan di AHATA.

Pa sorpresa di tur empleado, dia 5 di April 2020 empleado nan a hanja pago di ultimo quincena di Maart 2020 via banco, cu tawata pago di 1 pa 3 dia maximo. Incluyendo empleado nan cu AO y cu vakantie. Despues di a ricibi e pago dia 5 di April, a purba pa bolbe comunica cu sr Lacle pa discuti pa jega na un arreglo mutuo segun cu Gobierno a indica, pero constantemente sr Lacle tawata boycotea esaki y informando e donjo nan pa sigui cu e aplicacion di no work no pay.

Pa motibo di un director local cu aparentemente no ta compronde ley nan di Aruba, y no por transmiti e informacion correcto na e doñonan y no por para tras di su empleado nan, awe empleado nan di Cool Casino no tin pan riba nan mesa y tampoco tin ayudo di FASE ja cu e carta di e director a wordo emiti hopi laat nan e empleado nan.

Sr Lacle a hasi e remarka cu e cu su famia tin coi come, pues un sentimento inhumano pa bo prohimo.

Te asina lew e carta di un trahador. Solo lo bay keda vigila e desaroyo aki di serca. Un bon doño di trabao lo percursa pa papia cu su trahadornan y purba na brinda ayudo unda cu por. Probecha di FASE sin mas, ta nada otro cu un decisicon hopi swak pa un casino tuma.



Get paid on time
with these data
on your invoices



1 Tax ID Number

We use your tax ID number ("persoonsnummer") to identify your company in our system, to register your invoice and pay. That's why it's very important to have your Tax ID number on your invoices. The Tax ID number is the unique number under which your company is registered at the Tax Department. The number consists of seven or eight digits. You can find your number on all Tax Department documents.

2 Invoice Number

Having this number on your invoice will make it easier to track your payments and for us to identify transactions. Invoices without invoice number will be returned and delaying your payment. Invoice number needs to be unique to each invoice (without duplicates) for clear identification. It can contain only numbers or letters and numbers. It may contain date of issue, name of project or task.

3 Bank Details

Make it super simple for us to pay you by including your bank details. Please state your bank and bank account number on your invoice.

For more information please email at crediteuren@finance.gov.aw

Dr. Genser di SVb :

Negoshi, trahador y clientenan mester tene cuenta cu e tres medidanan implementa pa gobierno pa loke ta e normal nobo

Manera cu nos a indica den un articulo anterior SVb hunto cu gobierno a implementa un protocol caminda cu tin cu tene na cuenta den e normal nobo aki, segun dr. Mayron Genser di SVb.

E tres medidanan cu gobierno di Aruba ta pidi pa tur negoshi tene cuenta cune ta como lo siguiente.

1. Garantiza e distanciamiento social of fisico.
2. Garantiza bon higiena na pia di trabao y tambe na cas.
3. Parti cu ta relaciona su mes cu e empleado of clientenan cu ta malo y ta presenta nan mes riba tereno di trabao.

1. Garantiza e distanciamiento social of fisico

Tene cuenta cu e minimo di meter y mey entre personanan na bo establecimiento. E idea ta minimo di 1 meter y mey.

Ta wak WHO ta pidi 1 meter, RIVM di Hulanda ta bisa 1 meter y mey. CDC na Merca ta bisa 2 meter minimo. Aruba ta bezig ta aplica 1 meter y mey minimo. Esey no ta significa cu e negoshi riba su mes por pidi tambe pa ta extra sigur, 2 meter. Esaki ta exigencia minimo cu Land Aruba ta pidi. Cada compania ta tuma e medida aki. Mester tene cuenta cu si ta posibel pa percursa pa e empleadonan cu por traha for di cas, haci esaki. Of si por percursa pa implementa e orarionan flexibel pa haci esaki tambe. E dunador di trabao cu ta carga e responsabilidad, tin cu indica rond di e trabao y areanan en comun pa tene cuenta y garantiza e distanciamiento social.

Tambe tin cu tene cuenta cu e fluho di persona den e compania. Pensa riba flecha, borchi, marcanan riba vloer. Tene cuenta cu esaki tambe pa sigui haci'e, haci'e mihor y haci'e mas visibel rond di e compania. Den caso cu tin bishitante, si no por haci'e riba distancia, si no por haci'e via email, usa rednan social, e ora ey mester

tene cuenta cu ora nan bin den bo negoshi, mester tene cuenta cu e reglanan menciona.

Mueblenan cu tin pafor, mesa, stoel, banki, mester wordo kita. Esaki pa evita pa esnan cu ta bishita y pa evita cu e trahadornan cu ta trahando, no usa esakinan.

Paden di e negoshi, haci'e mesun cos. Tur stoel, tur mesa, mester ta por lo menos 1 meter y mey leu for di otro pa asina por mantene e distanciamiento social.

E reunionnan fisico mester wordo reemplaza cu reunionnan virtual. Haci mas uso posibel di camara, email, telefon.

Metodonan online: Si a caso bo no por haci esaki, e reunion fisico mester tuma lugar, ta pidi pa tene cuenta cu distanciamiento social, di e minimo di 1 meter y mey, y tambe pa percursa den e reunion e ora, tuma un lista di tur esnan presente.

Ken tur ta esnan cu a asisti e reunion.

Tur esaki ta pa si en caso mester haci contact tracing, ta bira hopi mas facil pa DVG usa e lista aki pa mira ken tur tabata den e reunion.

Den caso cu e persona ta bin den bo negoshi pasobra no tin un otro manera pa atende e cliente cu excepcion personalmente, mester tene cuenta cu dos punto importante.

Pa limita e cantidad di bishitante cu por drenta bo negoshi. Pasobra, si ta un persona chikito, no por permiti 20 persona aden, pasobra nan no por mantene e distancia di 1 meter y mey leu for di otro. E doño ta responsabel pa wak cuanto persona por ta paden di e negoshi pa asina tur por mantene e distancia sigur di un meter y mey minimo.

E bishitante cu no ta wanta su mes na e regla di e negoshi, lo mester wordo pidi door di e compania mes pa por fabor, bandona e tereno di e negoshi. Pasobra e no ta cumpli cu e reglanan establece pa pais



Aruba. Si un persona ta presenta sintomanan di griep of di covid, obviamente tambe no lo wordo permiti pa drenta den e negoshi y tambe, si e personal ripara cu un cliente tin e sintomanan aki, tambe mester pidi e cliente pa bandona e tereno di biaha.

2. Garantiza bon higiena na pia di trabao y tambe na cas
Cada dunado di trabao tin cu tuma medidanan necesario pa asina faciliita bon higiena na pia di trabao. E mester promove esaki tambe entre su cliente y trahadornan. E medida minimo ta lo siguiente:

Si e doño di trabao kier haci mas. E por. Tur superfici'e, lessenaar, mesa, tur obheto, manera telefon, keyboard, mouse, mester wordo haci limpi cu desinfectante regularmente. E regularidad di e hacimento limpi ta bay varia, dependiendo con hopi hende ta haci uso di dje. E dunador di trabao tin cu percursa pa e laga na disposicion di su empleadonan suficiente producto pa percursa pa mantene e limpieza.

Pone mas handsanitizer na lugarnan visibel na trabao. Por ehempel na tur entrada y salida, lugarnan manera cushina, lugarnan cu tin mas hende ta reuni of pasa frecuentemente, percursa pa tin handsanitizer. No solamente percursa pa nan tey, sino pa nan wordo yena frecuentemente. Siña promove labamento di man y na e manera corecto.

Un higiena di tos, con pa tosa con pa niester. Usa kleenex y bente afor. Si no tin, haci'e den bo elleboog. Ora bo caba di

usa esey, toch laba bo man. Usa handsanitizer.

E manera pa laba man, tur hende sa caba. Pero tene cuenta cu 20 seconde y den caso cu no por haci esaki, usa hand sanitizer cu alcohol cu concentracion di 60% of mas.

Obviamente evita di mishi cu bo cara. No mishi cu bo wowo, no mishi cu bo nanishi, cu boca, no mishi cu e cara at all.

Tur esaki ta riba website di SVb y tambe esun di arubacovid19.org.

3. Parti cu ta relaciona su mes cu e empleado of clientenan cu ta malo y ta presenta nan mes riba tereno di trabao

Empleado of bishitante cu tin keintura, problema pa halamento di rosea, tosamento, verkoud, dolor di garganta, no sali for di bo cas.

No usa ningun tipo di mask pa bisa cu ta ok pa sali for di cas. No haci esaki. Ademas, si doño di trabao of empresa of negoshi mira si un persona ta den e negoshi cu e sintomanan aki, e ta obliga pa pidi nan pa bandona esaki di biaha.

Si un trahador tin e sintomanan aki, e ta responsabel pa meldziek siguiendo e procedura di ziekmelding y no keda traha of no presenta na trabao cu e sintomanan aki.

Si acaso un empleado tin problema visibel di respiracion of cu sintoma y e doño di trabao wak esaki, e ta obliga pa meld'e ziek y e persona mester bay cas, comunica cu dokter di cas of comunica cu 280-0101 cual ta e covid line.

Parlamentario Endy Croes:

Kico OM ta pensa di Mike Eman?

Ricibi placa preto di Roberto Rincon pa cumpra votos ta castigabel?

Parlamentario Endy Croes tin hopi pregunta riba hopi casonan dudoso y castigabel cometi pa ex-gobernantenan y Lider di partido AVP Mike Eman.

/// Awor tin prueba Mike Eman a ricibi hopi placa di Roberto Rincon:

Desde algun aña atras noticianan hopi tendencioso tabata circula den media na Aruba cu Mike Eman lo a ricibi 1 miyon us dollar di Roberto Rincon pa cu eleccion na 2013. Nos por corda con AVP a core un campaña extra luhoso cerando campaña cu un lighting parade cu 13 banda musical. Esaki a duna su fruto momento cu AVP a logra 13 asiento. Prensa tabata skirbi cu Roberto Rincon tabata un di e patrocinadornan principal di Mike Eman y AVP pero pruebanan tabata dificil pa haña na e momentonan ey. Awor despues di algun aña a

logra pone man riba algun di e transferencianan bancario cu a tuma lugar entre otro 1 siman promer cu eleccion 2013. Adhunto un prueba di 50 mil us dollar cu a bay for di cuenta di Tradequip un compania di Roberto Rincon directamente pa cuenta di e Fundacion Mike Eman. Esaki ta muestra cu tardi of tempran e berdad lo sali na cla. Te cu awe nos no a scucha Mike Eman sali bin desmenti cu e NO a ricibi e placa(nan) aki. Mientrastanto tur e amigonan di Mike Eman y Mike de Meza a wordo persigui pa husticia y a haya condena. Mike Eman a usa placa "PRETO" pa cumpra votos local. Asina Mike tabata paga diferente cuenta, tabata paga Afl.500 pa luna pa borchu politico den cualkier cura di cas, miles di florin pa propaganda politico na puntonan

strategico. Nos por corda happy hour Tur dia na Rio Grande. Mike Eman y AVP a regala cientos di miles na bon di gasoline y tabata paga masha hopi hende tur diabierna pa core campaña primordialmente e ultimo 3 luna nan den eleccion 2013. Sigur esaki ta un pagina oscuro den historia politico. Esencia mas grandi ta cu Mike Eman a ricibi placa preto di Tradequip un compania di Roberto Rincon.

Ministerio Publico ta kere cu e mes por actua of lo warda riba un keho?

Pueblo ta puntra Parlamentarionnan y Parlamentarionan deber ta pa haci pregunta den nomber di pueblo. Nos no por dirigi agenda di Ministerio Publico y

sigur no por exige nada como cu Ministerio Publico ta completamente independiente y nos sa di respeta esaki. Lokual pueblo ta puntra si cu den e caso "grave" aki unda awor tin prueba esta un transferencia di 50 mil dollar pa cuenta di Mike Eman si Ministerio Publico ta pensa cu nan mes autonomo lo cuminsa cu un investigacion of mester warda te dia un ciudadano haci un keho oficial?

Personalmente Parlamentario Croes ta di opinion cu Ministerio Publico mester duna atencion cu urgencia riba e caso aki di nan propio boluntad. Mescos tin casonan IBIS di Paul Croes, Avestruz di Benny Sevinger andando nos ta kere cu esun di Mike Eman awor cu tin prueba no por keda afor. Pueblo a bira hopi critico contra



Ministerio Publico ultimo tempo y como politico nos trabao ta pa keda transmiti e sentimiento di pueblo. Ta e momento corecto pa Ministerio Publico mes duna un update riba e casonan grandi aki pa tranquilidad general.

PRISTINE ESTATES N.V..

Pristine Estates N.V. ("Pristine") ta doño di e parcela ariba cual e Holiday Inn Resort a wordo construi

Pristine, pa medio di esaki kier reacciona riba cierto noticianan cu a sali den prensa local over di cierre di Excelsior Casino. E noticianan aki erroneamente ta menciona cu, cu Pristine y su principal, sr. Alfredo Löwenstein lo ta doño di Excelsior Casino N.V. ("Excelsior"). Esaki no ta berdad. Sr. Luciano Bocchia y su partnernan ta e accionistanan di Excelsior.

Pristine y su principal, sr. Alfredo Löwenstein nunca no a opera Excelsior Casino y nunca a actua como doño di trabao di e empleadonan di casino. E empleadonan semper tabata den servicio di Excelsior cual situacion ainda ta sigui asina.

Pristine, como doño di e edificio ta huur e espacio unda casino ta situa cu Excelsior. Ora cu e plazo

original di e huur a termina, na September 2018, Pristine y Excelsior a extende e huur te cu April 30, 2020.

Ora cu e Corona-crisis a cuminsa na Maart 2020, y e casinonan na Aruba mester a cera nan porta, Pristine a bay di acuerdo pa no cobra huur temporalmente. Sinembargo y lastimamente no tabata posibel pa extende e contract di huur despues di April 2020 pasobra Excelsior no por a cumpli cu su otro obligacionnan. E otro obligacionnan aki tabata entre otro esun di paga casino gaming tax y gastonan di casino controleurs.

Pristine y sr. Löwenstein naturalmente ta lamenta e cierre di e casino y e perdida di empleo masha hopi. Pristine y sr. Löwenstein ta forma parti di e

comunidad di Aruba pa mas di 20 aña caba y nan ta keda dispuesto pa sigui contribui na economia y turismo di Aruba.

Durante e ultimo 4 añanan, Pristine, hunto cu gobierno di Aruba, ta trahando riba plannan pa renobacion y desaroyo di un proyecto hotelero di alta calidad ariba e parcela di Holiday Inn. E plannan aki ta inclui un inversion substancial di Pristine y empleo y otro beneficienan importante pa economia di Aruba. E beneficienan aki ta inclui entre otro centenares di cupo di trabao den sector di construccion. Na e momento aki Pristine ta en espera di cierto aprobashon cu mester pa e proyecto, di Minister di Infrstructura y Minister di Turismo. Asina cu Pristine ricibi esaki lo sigui inmediatamente cu e renobacion y desaroyo di e proyecto hotelero.

Gobernador ta asisti na ceremonia conmemorativo “Dodenderdenking” na Aruba

Riba 4 di Mei, Gobernador di Aruba, S.E. Alfonso Boekhoudt, a asisti na e ceremonia conmemorativo “Dodenderdenking”. En conexion cu e virus COVID-19, e ceremonia conmemorativo a tuma lugar na un forma adapta.

Pa 6’or di atardi, a tene dos minuut di silencio pa e victimanan di guerra. Durante e momento di silencio a conmemora tur esnan cu den nomber di Reino Hulandes a perde nan bida of a wordo asesina durante e e di Dos Guerra Mundial. Tambe a conmemora esnan cu desde e tempo ey a perde nan bida den e conflictonan di guerra of den e misionnan pa mantene paz. Riba 5 di Mei ta net 75 aña pasa cu e di Dos Guerra Mundial a termina pa Hulanda.

Gobernador den presencia di Prome Minister S.E. Evelyn Wever-Croes y e Vice-presidente di Camarada Aruba, Jacobo Henriquez, a pone un krans na e monumento na nomber di henter pueblo di Aruba. Pa medio di e señal taptoe, a duna e seña pa e dos minuutnan di silencio. Taptoe ta e señal di trompet cu ta anuncia inicio di e dos minuutnan di silencio. Segun tradicion, despues di e di dos minuutnan di silencio, a toca e himno nacional di Hulanda y Aruba. E musica tabata na encargo di Tamboers en Pijpers di Marinierskazerne Savaneta.



Homber benta abao



Diasabra marduga patruya den Madiki a tuma nota di un homber benta abao. Mesora a pidi asistencia di ambulance na e sitio.

Segun e homber por a declara na polis e ta sinti dolor na pecho y lo tabata sacando sanger. Ambulance a presenta na e sitio y a

atende cu e homber y a transporte pa hospital pa tratamiento medico.

7 aña di morto di Helmin Wiels: Esnan cu a pone placa ainda ta liber

Awe, 5 di Mei 2020, nos ta recorda 7 aña di morto di Helmin Wiels. Helmin ta un politico yiu di Corsou cu a gana masha simpatia tanto na Corsou, pero tambe na Aruba, pa su mensahenan duro cu e tabata manda, su pensamentonan radical pero tambe su forma con e tabata comunica cu su pueblo, cu tabata un forma duro. Helmin Wiels no tabata "political correct", pues e no tabata preocupa si su palabranan mester molestia gruponan den comunidad. Ora e mester bisa algo, e ta bise sin miedo.


Tabata un diadomingo atardi cu el'a wordo tira mata na un beach na Corsou, ora el'a baha pa bay busca cuminda. E caso a keda bao investigacion pa hopi aña. Hopi morto a cay tambe den e caso aki, unda e grupo cu a ehecuta e likidacion, mes a cuminsa mata otro y uno a fayece den prison den forma misterioso, segun investigacion el'a pone fin na su vida. "Bolle" cu tabata chauffeur

di e grupo tambe a wordo mata, segun fuentenan den garage di un cas y despues su curpa a wordo benta na costa. Un cantidad di detenidonan cu tabata e brug entre e grupo cu a ehecuta y esnan cu a paga. Luigi Florentina alias Pretu a pone fin na su vida den prison.

E persona cu a confesa di a habri bala riba Wiels, ta Elvis Kuwas alias Monster, kende a ricibi 30 aña di prison y ta sintando su castigo na Hulanda.

Ex - minister Jamalodin castiga cu 28 aña di prison, pasobra a mira hendenan na su oficina cu tabata e brug pe grupo criminal. Un empleada di Jamalodin a declara: El'a mira hende sali cu placa for di oficina di Jamalodin, un saco cu ta contene placa. Ora a puntre: Con bo sa cu ta placa tin den e saco ey? E secretaria a contesta: E por a hol'e. E por a hole placa den e saco.

Te cu ultimo a bolbe detene Robby



Dos Santos, un mitar ruman di Jamalodin, sospecha cu el'a duna e placa pa e likidacion. E investigacion ey lo no a concretiza, pasobra a bolbe pone den libertad.

Helmin Wiels a wordo mata den su gloria, ora cu el'a gana eleccion na Corsou cu 16.090 voto personal y mientras su partido ta den gobierno. Tabata ne momento aki tambe cu a bini un kiebri cu nan partner MFK di Gerrit Schotte,

unda a bay forma un Gobierno, sin MFK. E morto di Wiels tabata un shock pa comunidnan di Corsou y Aruba.

Nos medionan, Top 95 FM, y Canal 22 a manda busca sr. Wiels dia 3 di November 2012 pa e bini Aruba y haci un progama pa nos medionan, den combinacion cu programa di Karel Arends.

Dr. Mayron Genser:

SVb cu guidelines pa negoshinan den e normal nobo di Aruba

Aruba tin un normal nobo, un etapa nobo. Esey ta un hecho. Dr. Mayron Genser di SVB a presenta e guidelines pa e negoshinan durante di e conferencia di prensa di gobierno dialuna merdia. E ta splica mester sigui traha hunto den e normal nobo aki, pa asina mantene e numbernan cu ta abao, mas abao cu ta posibel. Awo cu ta bay cuminsa poco poco bek, no ta nifica cu nos ta bay biba mescos cu nos tabata biba prome cu nos a wordo afecta pa covid. Ta bay cuminsa di berdad cu un Aruba diferente na prome.

E guia

Hopi lugar cu tabata cera, ta bay habri awor poco

poco. Pa cuminsa cu esaki mester tene na cuenta cu nos mesun salud y e salud di esnan cu ta rond di nos. Pa esaki, pais Aruba a presenta medidanan preventivo cu ta encera distanciamento social, distanciamento fisico y tambe di higiena. Gobierno di Aruba a establece hunto cu partner, SVb y Medwork, Directie Arbeid, condicionnan minimo cu mester bay tene cuenta cun'e. Condicionnan minimo cu e doño di trabao mester tene cuenta cun'e pa mantene siguridad di su trahadonan y esnan cu ta bishita su compania.

Protocol

E protocol ta vigente



desde dialuna 4 di Mei. E protocol aki por hay'e riba e website di arubacovid.org. E condicionnan aki ta conta pa tur hende. Tin cu tene cuenta cu esaki. E implementacion di e medida ta keda

responsabilidad di e doño di trabao. 'Pero ta pidi tambe pa esnan cu ta bishita y e trahadonan, pa tene bon cuenta cu esakinan. Ta bay tin un taskforce cu ta bay ta responsabel pa controla

si cada empresa ta cumpli cu e medidanan estableci. Den caso cu no por cumpli cu e medida aki, e ora e taskforce ta haya su mes obliga di instrui e negoshi pa e cera.

E-SEMINAR EDICION DIGITAL TA DIAHUEBS 7 DI MEI CU ORADORNAN INTERNACIONAL

Un di e seminarionan cu mas atenciancia anualmente na Aruba y Curacao ta e-Aruba y e-Curacao Business Seminar. Mirando cu actualmente no por organiza eventonan cu public y e necesidad pa toolsnan pa maneha e situacion actual a dicidi pa tene un edicion extra / bonus di e seminario digitalmente. Esaki lo bay ta Diahuebs awor dia 7 di Mei 2020 for 11'or di mainta te cu 12.15 pm ora di Aruba. E concepto unico lo uni profesionalnan di Aruba hunto profesionalnan di New York y Seattle pa asina comparti nan conocemento riba mercadeo digital den e temponan aki di covid19. For di Microsoft su oficina principal na seattle Miri Rodriguez (Storyteller) lo comparti diferente strategia cu e.o e compania Microsoft ta usando.

E topico lo ta con pa comunica cu 'empatia' durante di covid 19. Miri recientemente tambe a publica su prome buki

'Brand Storytelling'. For di New York e 'Best Selling' Author y Multi-Entrepreneur di varios buki Ramon Ray tambe lo ta parti di e seminario digital. Ramon recientemente a organisa un seminario cu e mesun topico aki unda cu mas di 2000 persona rond mundo a registra. Aki tabata di mas di 10 profesional cu a duna un presentacion. Ramon lo duna un resumen di e diferente strategianan cu a resulta positivo pa diferente compania. Pa Aruba Sr. Diederik Kemmerling di e compania di mercadeo The Lab tambe lo duna un presentacion di con pa yuda bo compania / organizacion cu mercadeo digital durante covid 19. E compania ta yudando varios compania na Curacao y Aruba actualmente y e lo comparti algun 'Best Practices'. E moderador lo ta sr. Mark Benson Denz. Ta importante pa registra pa asina haya e acceso pa e seminario. E seminario ta completamente gratis. Por registra via : www.onlineseminar.com/e-seminarcaribbean.



[onlineseminar.com/e-seminarcaribbean](http://www.onlineseminar.com/e-seminarcaribbean).

E team di e-Seminar lo ta trahando cu e team tecnico di OnlineSeminar.nl cu ta un lider den online streaming na Europa. Esaki lo garantiza un bon calidad pa cu e tecnologia. Na final di tur presentacion lo tin

oportunidad pa haci pregunta por medio di e funcion di chat cu tin den e streaming.

Pa loke ta ambos seminario den forma regular e edicion di Curacao tabata plania pa fin di Maart 2020 y esun di Aruba tabata plania pa comienzo di Juni 2020. Dependiente di

regulacionan di Gobierno e eventonan ta keda posponi pa mas na final di 2020.

e-Seminar ta produci pa Infinity Media Aruba, The Lab supported by OnlineSeminar.nl, Elite Productions & Entertainment y Headlines Group.

Departamento di Obra Publico kier a informa cu nos ta habri pa publico/cliente solamente personanan cu tin un afspraak

Personanan of clientenan cu no tin un afspraak lamentablemente nos no lo por yudanan.

Pa registra pa fase 1 di restart di construccion y mantencion mester bay riba nos website www.dow.aw pa asina registra y upload tur e documentonan necesario.



Parlamentario Edgard Vrolijk (MEP):

Falta informacion pa locual ta e preparacionan pa reapertura di school na Aruba

No falta mucho mas pa yega e fecha di 11 di Mei y maestronan y mayornan ta carece di informacion. Y sigur den bista cu otro partinan di mundo poco poco schoolnan ta habri teniendo cuenta cu e normanan nobo pa locual ta Covid 19. Den cuadro di esaki pa locual ta resto di aña escolar 2019-2020 y sigur pa aña escolar 2020-2021 cosnan mester ser atendi diferente.

Grandura di klas

Un aspecto cu sigur mester tene na cuenta cune ta e cantidad di mucha den un klas. Recientemente por a tuma nota di un carta di Minister di Enseñanza unda ta papia di klas di 28 pa por ricibi subsidio. Den bista di e cambionan cu e Coronavirus a bin cune unda cu mester tene cuenta cu tenemento di distancia social, esaki ta rekeri pa tin klasnan cu menos estudiante y sigur pa e temponan nos dilanti ta esencial.

Orarionan di school

Hopi pregunta ta ser haci con e reapertura di school lo ta pa locual ta orario di school? Con lo haci cu e rooster di school pa impedi aglomeracion di nos muchanan? Ehempel di otro pais lo ser aplica na Aruba of nos Minister ya tin su propio plannan na su lugar pa esaki? Paso como ehempel na otro pais pa locual ta kleuter mitar klas ta bin dialuna y e otro mitar ta bin diamars y asina ta sigui rouleer. School basico mitar klas ta bin parti prome cu pauze pa haya rekenen, taal

y un hoofdvak y otro mitar ta bin despues pa haya mesun materia ta posibilidadnan cu a ser haci otro caminda. Y ta pesey pa mayornan y tambe docentenan ta di vital importancia e transparencia pa asina tur hende por ta prepara pa locual ta e cambionan cu mester tene na cuenta.

Hygiene na schoolnan

Por a tuma nota recientemente cu SKOA lo ta papia di 46 werkster cu lo tin di bay cas si nan mester perde nan caso contra Gobierno. Y net na e momentonan aki un werkster den mi bista semper ta forma un parti importante di school y awor mas cu nunca pa locual ta combatimento di e Coronavirus aki ta hopi esencial pa tin nan na school pa tene e lugarnan mas limpi, pa impedi brote di cualkier maleza contagioso. Y sigur hopi importante ta pa percura pa tin suficienete handsanitizer y desinfectante na schoolnan pa por aplica e reglanan di Covid 19.

Mi ta spera cu pronto Minister di Enseñanza por bin dilanti y splica su planan di reapertura di schoolnan cu lo mester bay na un manera responsabel y sigur teniendo cuenta cu e reglanan di Covid 19.

Eyfor mayornan y maestronan ta wardando paso otro siman nos ta yega 11 di Mei y poco a ser treci dilanti ta con nos lo bay haci cu enseñanza den temponan aki di crisis



Ultimate Landscaping N.V.
Nijhoffstraat 12, San Nicolaas
Dialuna - Diasabra 07:00 - 18:00
Diadomingo 09:00 - 14:00



Siman di Sale pa Dia di Mama na Ultimate Landscaping N.V. situa na Nijhoffstraat 12

10 florin pa cualkier mata den pochi di 1 gallon
25 florin pa cualkier mata den pochi di 3 gallon

6 mata den pochi di 1 gallon pa 50 florin
5 mata den pochi di 3 gallon pa 100 florin

Mata di colga di 15 florin ta bira 12 florin
Matanan di 35 florin ta bira 30 florin

Tur mata rama na palo di 35 florin ta bira 30 florin
Mata di placa pa solamente 65 florin
Silver Queen pa solamente 45 florin

Vitamina pa flor y berdura pa solamente 8 florin
Saco di tera mix pa solamente 15 florin



Persona medio herida a keda deteni



Diadomingo mainta varios cliente cu a bay laba nan paña na e mihor laundry cu e mihor prijs y ubica den Weststraat a nota cu tin un persona medio herida benta abao banda di e laundry.

A bati alarma, y mesora a dirigi un patruya pa e sitio. Na yegada di e patruya a bin descubri cu aki ta trata di un conocido alcoholico cu ta cay drumi unda cu ta. Ora a lanta e persona

esaki no a coopera mucho cu polis y mester a bay over na detene. E vehiculo di transporte pa detenidonan a bin buske y a dune un cuarto gratis na Shaba All Stars Resort.



Operacion Gideon! Dos ex-militar Mericano tabata na Aruba sperando combustible; Venezuela ta manda alerta pa Aruba


E supuesto invasion na Venezuela pa deroca e Gobierno di Nicolas Maduro, parece ta real. E ta carga e number di Operacion Gideon.

Un soldaat Mericano "Us special operation soldier" di number Jordan Goudreau, un "Green Barret" y tres ves "Bronze Star", cu a sirbi na Irak y Afghanistan a tuma responsabilidad pa e operacion cual ta hiba e number "Operacion Gideon", cu ta un operativa pa detene Nicolas Maduro.

Durante di e operativa di dialuna mainta, a bin gara dos Mericano mas cu tabata drentando La Guaira den boto. E dos Mericanonan Jordan Goudreau a identificanan como Luke Denman and Aaron Berry, y el'a bisa cu e ta trahando cu ambos ex - soldaat den un operacion pa captura Nicolas Maduro y libera Venezuela.

Goudreau a bisa cu e botonan aki mester a drenta na La Guaira diadomingo y ta forma parti "Operacion Gideon", y si e personanan aki a logra drenta, nan lo a wordo transporta pa un lugar sigur den Venezuela pa join un otro grupo cu ta den e operativa. Hunto cu un equipo di 60 otro homber lo mester a hiba dilanti e operacion Gideon.

Goudreau a bisa cu e ultimo contacto cu e tabatin cu Denman y Berry ta



ora cu nan tabata den boto y tabata wanta na un barco den lama Caribe. Diadomingo despues cu 8 a wordo tira mata, ainda Denman y Berry tabata keto bay den nan boto. Nan tabata riba masha tiki gasolin.

Goudreau a bisa cu nan dos tabata sperando riba un boto na Aruba cu combustible pa nan por a sigui.

(Nota di redaccion: E declaracion aki por sona confuso, cu si nan tabata NA Aruba, of den cercania di Aruba den boto, sperando riba combustible)

Nicolas Maduro a bisa cu nan a detene 114 persona cu ta hinca den e plan aki y nan ta buscando otro 92.

E combatador veterano, a bisa cu

el'a yuda organiza e entrada via Colombia diadomingo marduga, cual a resulta den 8 morto y 2 deteni. Goudreau ta bisa cu e no a ricibi ayudo (placa) ni di Colombia ni di Merca.

Venezuela a alerta ARUBA di uso di su territorio:



Vicepresidente ehecutivo di Venezuela, Delcy Rodriguez, a informa diadomingo cu el'a reuni cu embahador di Hulanda na Venezuela pa alerta Hulanda y Aruba riba e uso di territorio di Aruba pa presta sosten logistico y abestece gruponan terroristico.



LabHOH ta traha segun afspraak en conexion cu COVID-19

E pandemia actual ta trece hopi reto cu ne di cual mester a traha riba un normal nobo teniendo cuenta cu distanciamento social. Esaki ta e caso tambe pa LabHOH na uDNA a tuma algun medida cu e meta principal pa proteha tanto paciente como personal di LabHOH.

Desde awor te cu proximo aviso LabHOH ta traha solamente segun afspraak pa asina evita aglomeracion di hende na mes momento na cada prikpost. Tene bon na cuenta cu si no tin cita, no lo por atende bo persona.

Pa traha un cita pa acudi na un di nos prikpostnan

por yama LabHOH di dialuna pa diabierna di 7am pa 3pm na 527-4901.

Na e prikpost situa na Hospital tin e orario di 7am pa 3.30pm y na prikpost di Oranjestad di 6.30am pa 11.45am y di 1 pm pa 3.30pm. Na Piedra Plat nos ta habri di 6am pa 10.45am y na San Nicolas (banda di Arubus) nos ta habri di 6.30 am pa 10.45am.

Por favor na tur nos localidadnan ta pidi pa aplica un bon higiena di man y tene distancia social. Si bo ta sinti e sintomanan di COVID-19 keda cas y yama bo dokter di cas pa aisna sigui su intruccionnan.



Parlamentario Edgard Vrolijk:

A yega momento pa diversifica nos economía

Siman cu a pasa Promer Minister Evelyn Wever-Croes hunto cu director di RDA señor Renny Arends a firma e terminacion di e contract di Citgo y cu esaki a cera un capitulo scur den historia di Aruba. E terminacion aki ta habri un biaha mas e posibilidad pa reactivacion di economia di Aruba. Y sigur locual COVID 19 a sina nos ta cu Aruba no por keda depende solamente di un pilar economico cu ta nos turismo pero cu Aruba mester mas pilarnan economico c uta crea trabao pero tambe entrada structural pa Aruba y sigur percursa pa estabiliza economia y finanzas di un isla manera Aruba.

Terminacion di e contract ta crea speranza y oportunidad nobo

Cu e terminacion aki Citgo lo tin di paga e dlanan nos dilanti un suman di 17 miyon dollar na impuesto

cu lo yuda sigur den momentonan dificil aki unda cu nos tin o entrada na turismo c uta nos único pilar económico. Pero sigur e ta crea speranza y oportunidad nobo debi na interes grandi pa lease e tankinan cu tin na e refineria. Lo percursa pa den un luna of menos pa esun cu bin cu e miho oferta pa país Aruba, bin haci inspeccion di e tankinan y cuminsa manda crudo y asina entrada por cuminsa drenta cu ta ser calcula cu 4 pa 5 miyon florin pa luna, si logra verhuur tur e tankinan. Y sigur si no a termina e contrato di Citgo aki hamas nos por ta papiando di haci uso di nos facilidadnan pa genera entrada pero nos lo a sinta wak con esaki nan lo a bay perdi.

Parlamentario Mike de Meza mal bruha

Mi ta provecha reaciona masa cortico mes riba parlamentario Mike de Meza cu ta trata di hustifica su hedging tempo cu e tabata

Minister. E tempo ey el'a hedge na momento cu tur experto tabata bisa cu prijs di crudo lo ta bao di \$50 y e como Minister a hedge na \$150 dollar pa bari y unda WEB NV a perde mas di 200 miyon florin den e proceso ey. Awor WEB NV a hedge na \$36 dollar pa bari paso rapportnan tabata bisa cu esaki lo ta den rumbo di \$80 dollar y cu e hedge aki a logra baha prijs di coriente cu 10% pa casnan y 7% pa comercio. Un cos ta sigur cu niun experto no a premira cu lo bin Coronavirus cu a hasi cu prijsnan di crudo a cay, pero cu ya nos a wak ta recuperando. Pues parlamentario Mike de Meza mester biras mas serio y stop di trata na manipula hende y sigur su persona ta e culpabel cu e acuerdo di CITGO tabata un desastre pa Aruba.

Aruba mester mas pilarnan economico

Banda di busca e posibilidad

pa por reactiva nos refineria y nos terminal, mi ta kere a yega momento pa nos percursa pa bin cu mas pilarnan economico pa fortifica nos isla. Den esaki nos mester cuminsa pensa rapidamente pa haci agricultura, pesca y cria como un pilar economico. Den esaki sigur Gobierno mester hunga un rol proactivo pa yuda pa esaki por ser realiza. Banda di esaki mester sigui cu e plannan pa bin cu e cultivo di cannabis medicinal cu mundialmente tin petición grandi pa esaki y a tambe mester cuminsa pensa riba industrial hemp cu tambe nos como isla ta bendiciona di tin un clima ideal pa esakinan. Banda di esaki nos mester provecha di e bon ubicacion geologico di Aruba den Caruibe unda cu nos por bira un Mini Panama unda cu nos por tin un containerhaven nobo na San Nicolas cu lo sirvi como Hub den Caribe. Pues asina tin mas sectornan prominente y sigur nos



tin di trata di explora den temponan aki p'asina nos isla no mester depende mas di solamente di Turismo y sigur asina nos ta crea cuponan di trabao nobo y sigur percursa pa absorbe un grupo grandi di trahadornan cu realidad nobo nan lo no tin trabao y sigur e grupo cu ya no tin trabao por haya e oportunidad di traha riba nos dushi isla. Pues awor ta e momento pa actua y sigura e futuro economico y financiero di e país aki.

Orguyoso di e colaboracion den parlamento

E dianan aki tabata tin hopi incertidumbre y informacion saliendo tocante e presupuesto di parlamento pa loke ta COVID-19.

Mi persona como lider di fraccion di POR den parlamento ta hopi satisfecho, pa bisa cu despues di oranan largo deliberando y debatiendo di un manera constructivo cu diferente miembro di parlamento a logra formula y vota na favor di e amienda pa asina entrega 25% di nos salario, incluyendo nos vakantiewaarsvergoeding pa 2020.

Banda di esaki parlamento tambe a haci entrega adicional di mey miyon

florin di presupuesto di parlamento. E suma aki ta bay wordo aloca na "Bureau Rampen Bestrijding" cu na e momentonan aki ta encarga cu e coordinacion di e maneho pa combati e efectonan di COVID-19.

Mi kier a duna danki na e medewerkers di parlamento y tur persona cu a aporta na un manera of otro. Di e forma aki nos a demostra cu ora ta bin na momento dificil di crisis, sin precedente, parlamento a bin hunto y tuma decision pa bienestar di full e pueblo.

Den momento nan di crisis ta momentonan cu mester bin hunto y cada persona segun nan responsabilidad

mester contribui na e bienestar di cada un cu ta biba riba nos isla, den esaki tur persona, empresa, sindicato, gobierno, parlamento cada un di nos tin un rol den esaki.

E señal cu parlamento ta manda ta un señal naturalmente pa Hulanda, pa decisionnan cu tin cu wordo tuma den e conseho di minister di reino. Cu esaki demostrando cu Aruba den su totalidad ta realiza e magnitud di e crisis cu nos ta aden y cu nos tur por a yega na un reparticion husto di kico cada sector por entrega abase di e situacion cu nos ta aden na e momentonan aki.



Ex - parlamentario Velasquez a test negativo pa Covid-19

Informacion cu a circula den e ultimo oranan ta bisa cu ex - parlamentario Velasquez cu a haye den un investigacion relaciona cu un fiesta entre coleganan, a test negativo pa Covid-19.

Tabata diahuebs marduga cu dos polis di alto rango a haci un investigacion cu a hibanan na un apartamento na Noord unda nan a bin descubri Clarisca y su ploeg den un fiesta.

Diabierna mainta, inexplicablemente, tur

esnan cu tabata na fiesta a meld ziek. Esaki a pone tur e polisnan aki den un "bad spot" pa cu nan trabao.

Clarisca a meld ziek indicando cu e tin sintoma di coronavirus. El'a wordo someti na un test, cual a resulta negativo.

E escenario ta keda hopi dudoso si. Apenas polis di alto rango a descubri e fiesta, cu Clarisca a bira malo.



Julisa

Top 95 Fm

ARENDS HOEVERTSZ


MONDAY TO FRIDAY

9AM - 12PM

WWW.TOP95FM.AW

WWW.FACEBOOK.COM/TOP95FM

Pueblo di Savaneta ta pidi atencion di Marisol Lopez - Tromp



Savaneta parti lama, unda cu Brisas del Mar tabata, mihor a el a keda of nan lo a haci'e netchi, pa e keda asina na un bar/restaurant, cu ta crea trabao, cu e Savanetero por dal un drink of come cuminda crioyo. Pero lamentablemente ex

- minister Benny Sevinger a duna un comerciante stranhero mionario, traha un monster gigante, cu no ta pas den e vecindario di Savaneta.

Un edificio di algun piso, tapa tur e bista y tambe perde beach, pasobra ni



PICK & GO SERVICE KITS

Mobil 1 **Chevron** **KEYNETIC**

POINTON 71 LG SMITH BLVD 714
CALL US, WE'RE OPEN
8:00AM TO 5:00 PM
NON STOP

4 MOTOR OIL SYNTHETIC
1 CAR OIL FILTER

4 MOTOR OIL SYNTHETIC
1 CAR OIL FILTER

4 MOTOR OIL SYNTHETIC
1 CAR OIL FILTER
4 COPPER SPARK PLUG

COME AND CHECK ALL THE FLUIDS OF YOUR CAR FOR FREE

ALL CAR PREMIUM OUTLET

FOR THE BEST SERVICE DON'T FORGET TO MAKE YOUR APPOINTMENT 736.26.38 / 731.26.38

DI 8:00TE 5:00 NON STOP
LG SMITH BLVD 114 PONTON 71

YOUR FACTORY OUTLET

cana por cana banda di lama, pasobra nan ta core cubo. E tiki beach cu a keda parti p'ariba, net dilanti di Savaneta 234, tin un fundeshi masha bieu mes, peligroso, cu di baina por pasa eynan pa por bay disfruta di e lama.

Ta haci peticion na gobierno pa rosa esaki. Segun historia, un grupo di hende a purba di traha algo pa pisca, e pueblo

di Savaneta e tempo ey, manera mester a protesta y gobierno a para e proyecto aki. Awor, si e ta di gobierno, ta duda cu ta priva. E ora ey lo tabata facil pa rosa e tereno aki, laga e mata di kwihi netchi, algun lugar di sinta, cu e muchanan di Savaneta, e pueblo henter por disfruta di un tiki beach cu a keda ainda. Door cu Benny Sevinger a masacra e beach banda pabao cu un monster

di edificio cu no ta na beneficio di e Savanetero y cu no ta crea ningun trabao pa e Savanetero. Ta haci un apelacion na minister di infraestructura y di medio ambiente, Marisol Lopez-Tromp pa tira un bista y pone atencion na e peticion aki, pa asina por duna e pueblo di Savaneta un tiki alivio pa asina nan por preserva e tiki beach cu nan tin.

Prome Minister Evelyn Wever-Croes:

Commemoracion di e fayecidonan di e di dos guerra Mundial: NUNCA LUBIDA E BALENTIA Y SACRIFICIO DI TUR ESNAN CU A PERDE NAN BIDA PA NOS LIBERTAD



Riba e fecha di 4 di Mei, tur aña den Reino Hulandes ta conmemora esnan cu a lucha y a fayece durante e di dos guerra mundial. Ya ta 75 aña cu e di dos guerra mundial a finaliza. Prome Minister Evelyn Wever-Croes, pa conmemora e hecho importante aki, hunto cu Gobernador di Aruba, señor Alfonso Boekhoudt a rindi homenahe na tur e heroenan aki di guerra mundial na e monumento pa esnan cu a cay den e di dos guerra mundial situa na Adriaan Lacle Blvd. Un ceremonia inusual na unda cu a tene cuenta tambe cu distanciamento social y e biaha aki no a invita famia, militar ni publico na e ceremonia.

Prome Minister den conferencia di prensa dialuna anochi, a accentua e importancia pa nos comunidad y mundo henter biba den paz y pa nunca lubida e balentia y sacrificio di tur esnan cu a perde nan bida pa nos libertad.

“Ta hopi importante pa nos realiza y balora con importante e ta pa nos biba na paz y cu nos no kier guerra mas. Awor naturalmente e situacion cu nos ta pasando aden awe cu e Corona virus bo no por compar’e cu un di dos guerra mundial pero e lesnan cu nos a siña di e di dos guerra mundial awe ainda ta hopi aplicabel.

Tolerancia pa pensamiento di otro, respet pa opinion di otro, union y solidarismo cu esnan cu tin’e mas dificil. Mi ta kere si nos aplica tur e principionan aki nos lo sali hopi mas fuerte di e crisis aki. Nos a drenta un etapa nobo y cu poder di Dios nos lo pasa e nivel 1 si cada ciudadano pone di su banda pa asina nos bay na nivel dos, tres y cuatro exitosamente. Hunto nos ta bay bek na reactiva nos economia interno completamente. Despues nos lo bay wak kico nos lo bay haci cu nos fronteranan. Cu bon comportacion y disciplina di nos tur, mi ta sigur cu nos lo logra”, Prome Minister Evelyn Wever-Croes a expresa.

Na e sitio a tene dos minuut di silencio pa paz y contra guerra y recorda tur esnan cu ta victima y a presidi nos den e lucha aki pa libertad y tur nan sacrificionan. No solamente pa e victimanan, pero tambe pa e sobrevivientenan y nan famia cu a keda atrás.

Prome Minister Evelyn Wever-Croes: “Ban keda recorda y conmemora nos hendenan cu dia tras dia ta lucha pa e libertadnan, mescos cu tur esnan cu a perde nan bida, pa recobra e derechonan fundamental di pueblo, BIBA NOS LIBERTAD Y PAZ”.



ACCIDENTE NA MODANZA CU HENDE HERIDA, DESPUES DI IMPACO UN AUTO A DRENTA MONDI



Diadomingo atardi a drenta informe di un accidente cu hende herida na Modanza, mesora a dirigi tanto polis como ambulans na e sitio. Na yegada di e patruya na e sitio a bin constata cu aki un vehiculo lo a perde control dal den otro vehiculo y baha caminda drenta mondi despues di e impacto. Ambulans a presenta na e sitio y a atende cu e herido y a transporte pa hospital pa tratamiento medico.

Honda Life bayendo pabao den Koningstraat no a duna preferencia y ta dal den Suzuki Alto bayendo nort den Weststraat



Diadomingo merdia a drenta informe di un accidente na e crusada di Koningstraat cu Weststraat, mesora polis a asisti na e sitio. Na yegada a constata cu aki chauffeur di un Honda Life bayendo pabao den Koningstraat no a para na e crusada di Weststraat y dal den banda di un Suzuki Alto. E chauffeur di e Suzuki Alto

a declara cu ela caba di compra e auto y no tini seguro y ta coriendo cu number di otro auto di dje. Lo keda na seguro di pa dicide locual lo sosode. E impacto tabata fuerte y a manda e auto dal birada 360 prome cu para. Afortunadamente ningun persona a resulta herida.

HORARIO

**SKINA CRIYOYO SNACK TRUCK NA PONTON 119-E
HACI BO PEDIDO PROMER CU 9:00 am.
NOS TA ENTREGA ENTRE
11:00 am - 1:00 pm.**

(HAZ TU PEDIDO HASTA LAS 9:00 am.
SE ENTREGA PEDIDOS A DOMICILIO
ENTRE LAS 11:00 am. - 1:00 pm)

¡ HACI BO PEDIDO NA TEMPO !

MENU DIALUNA MEI 4

ALMUERZO COMPLETO. Afl. 13.50

- FILET DI PISCA (CHULETA DE PESCADO)
- BALDCHI DI CARNI (ALBONDIGA DE CARNE)

CUMINDA TA WORDO COMPANJA CU AROZ BLANCO, BATATA HASA, SALADA, SOPI DI CARNI Y AGUAPANELA

MENU DIAMARS MEI 5

ALMUERZO COMPLETO. Afl. 13.50

- PORK CHOP A LA PLANCHA (CHULETA DE CERDO A LA PLANCHA)
- LENGUA DI BACA STOBA (LENGUA DE VACA GUISADA)

CUMINDA TA AWORDO COMPANJA CU AROZ BLANCO, SOPI DE LENTEJAS, BATATA HASA, SALADA Y AGUAPANELA

MENU DIARANZON MEI 6

ALMUERZO COMPLETO. Afl. 13.50

- BACALAO
- GALINJA HASA (POLLO A LA BROSTER)

CUMINDA TA AWORDO COMPANJA CU AROZ BLANCO, BATATA MACHICA, SOPI DI GALINJA, SALADA Y AGUAPANELA



SKINA CRIYOYO
CATERING AND DELIVERY SERVICE

594 8921

MENU DIAHUEBS MEI 7

ALMUERZO COMPLETO. Afl. 13.50

- RABO DI BACA STOBA (RABO DE VACA GUISADO)
- CABRITO STOBA (CABRITO GUISADO)

CUMINDA TA WORDO COMPANJA CU AROZ BLANCO, BATATA HASA, SOPI BONCHI, SALADA Y AGUAPANELA

MENU DIABIERNE MEI 8

ALMUERZO COMPLETO. Afl. 13.50

- CARNE A LA PLANCHA
- GALINJA SBTABA (POLLO GUISADO)

CUMINDA TA WORDO COMPANJA AROZ BLANCO OF AROZ MORO, SOPI DI CARNI, BATATA HASA, SALDA Y AGUAPANELA

MENU ESPECIAL DIASABRA MEI 9

Afl. 15.00

- BBQ DI SPARE RIBS Y GALINJA (BBQ DE COSTILLA Y POLLO, AROZ BLANCO, OF AROZ MORO, AREPA, PLATANO FRITO, MAIZ Y ENSALDA)
- BALCHI DI PISCA (ALBONFIGA DE PESCAD, AROZ BLANCO OF AROZ MORO, FUNCHI, BANANA HASA, AREPA Y ENSALADA)
- SOPI DI MONDONGO (SOPA DE MONDONGO 32oz, AROZ BLANCO OF FUNCHI, AREPA Y BANANA HASA)

#QuédateEnCasa

HABITANTE NA MANDOLINSTRAAT A YAMA POLIS PA UN GRUPO DI HOBEN BALDADI CUAL 1 DI NAN A MANDA PIEDRA DEN SU CAS



Diasabra merdia a dretna informe cu na un cas na Mandolinstraat un grupo di hoben mester a pasa ey dilanti riba bicicleta y un di e hobennan lo a manda un piedra te paden di

su cas. Polis a tuma nota di descripshon di e malhechor y lo pasa e caso pa rechercher por investiga y logra encontra e persona pa atende pa cu loke ela hasi.

Abona na



A BO NO MESTER SALI DI BO CAS

Yama **585-9500** of

e-mail nos na

solodipueblo@gmail.com

Tur marduga nos ta entrege den bo

porta di cas!

Noticia cayente, ta aki bo ta haye!

HABITANTENAN DI TURIBANA A YAMA POLIS RIBA 2 AUTO CU TABATA MANEOBRA RIBA CAMINDA



Diasabra atardi a dretna informe di 2 vehiculo den Turibana lo ta maneobrando riba caminda den area habita, mesora a dirigi patruya na e sitio. Na yegada no a topa cu e vehiculonan mas pero si a tuma declarashon di habitante cual a saca potret y filma e maneobranan haci. Ta trata aki di 2 Altezza shinishi A-33090 y A-9894 cu

lo tabata causando desordo haciendo maneobra den bario di Turibana.

HOTLINE

744-0444

CAPT'E
Y MAND'E

NA TRES TRAPI POLIS A DETENE UN HOMBER CU LO TABATA HUNGANDO GOLF PURBANDO DI DAL LANDRADORNAN



Diadomingo atardi a drenta informe cu na Tres Trapi na Malmok lo tin un homber ta hungando golf purbando di dal landradornan cu bala,

mesora a dirig polis na e sitio. Na yegada polis a encontra e sosopecho y detene, dogcatcher a bini pa transporta e detenido pa warda di po-

lis. Polis a confisca su golf club, como tambe tur e balanan di golf cu e tabata tin.

Polisnan controlando misanan si nan ta bashi pa cu "Shelter In Place"

Diadomingo merdia polis a bay diferente misa pa check pa cu si tini hende ta aglomera. Na hopi misa ta un cantidad limita di persona so mag ta den misa. Te cu proximo aviso publico no por atende misa pero mayoria por wordo mira riba Live Stream di nan Social Media.



POLIS BAYENDO PABAO DEN CAYA GRANDI A TUMA BIRADA MUCHO CORTICO DEN WATERWEG Y DAL UN PILON



Diadomingo atardi a drenta informe di un accidente chikito den Waterweg cu un auto di polis, mesora a dirigi polis di trafico na a e sitio. Na yegada a constata cu aki un patruya bayendo pabao den Caya

Grandi lo a bira mucho cortico banda robes den Waterweg y dal un pilon. Polis di trafico a tuma nota di e incidente y tambe e danjo minimo.

**WASTE HANDLING
CLEANING SERVICES**

**SCEPTIC TANK
(7 CUBE)**

**PRIJS SPECIAL
AWG 75,-**

**YAMANOS NA:
560 3500 OF 563 4201**

DILANTI PRO-CATHEDRAL SAN FRANCISCO POLIS A BAY PA UN HOMBER CU LO A CAY HERIDA SU MES, POLIS A GUI'E PA SU CAS PABAO EY MES PA E DESCANSA



Diasabra atardi a drenta informe di cu un persona lo mester a cay abou y herida su mes dilanti misa di playa, mesora a dirigi patruya na e sitio. Na yegada di e patruya a bin topa cu un homber cu lo tabata sinta eynan ta come y

bebe, elo a cay y dal su cabez. Un persona lo a pasa y mire benta abou y avisa polis y ambulans cu e lo ta herida. Polis a tuma nota cu e meneer aki tabata muestra un poco cansa. E homber a insisti cu e no mester di ayudo di

polis ni ambulans y a cuminsa cana pa su cas ey serca mes. Polis a guia e homber aki te na su cas pa asina e por sosega ya cu durante "Shelter In Place" no por anda riba caya.

Durante Toque de queda di diabierna anochi pa diasabra mainta, polis a detene 7 persona



Durante Toque de queda di diabierna anochi 10'or pa diasabra mainta 5'or, polis a bin topa cu 7 persona cu no por a muestra cu nan tin permiso pa tabata riba caya, tur 7 a keda deteni y transporta pa warda di polis, caminda nan lo mester a presenta dilanti sub fiscal pa ricibi un boet y pasa henter nan anochi cera den un cel na warda di polis.

Sabana Liber: Diabierna anochi algo pasa di 10'or durante patruya, na Sabana Liber polis a bin topa cu un homber riba caya, mesora nan a bay atende cu e homber aki y e no por a muestra cu e tin un permiso pa ta riba caya y a keda mesora deteni, pa no ta respeta Toque de queda. Cu transportwagen di CEA e la wordo transporta pa warda di polis.

ALL TO CAR
NEW WORKSHOP

PORTON 71 LG SMITH BLVD 114
CAME IL WE'RE
OPEN
8:00AM TO 5:00 PM
NON STOP

SPECIAL OFFERS FOR 3D WHEEL ALIGNMENT

RETAL PRICE 130⁹⁵ AFL
OUTLET PRICE **89⁹⁵ AFL**

SPECIAL CARS

LATEST GENERATION MACHINE
HIGH QUALITY CARS
USA SPECIAL TECHNICIANS

RETAL PRICE 144⁹⁵ AFL
OUTLET PRICE **99⁹⁵ AFL**

COME AND CHECK ALL THE FLUIDS OF YOUR CAR FOR **FREE**

ALL TO CAR PREMIUM OUTLET
DR 5:00TE 5:00 NON STOP
LG SMITH BLVD 114 PONTON 71

FOR THE BEST SERVICE DON'T FORGET TO MAKE YOUR APPOINTMENT 736.26.36 / 731.26.36

YOUR FACTORY OUTLET

DURANTE TOQUE DE QUEDA, HOBEN TRAS DI STUUR A MANDA AUTO RIBA POLIS Y A CORE BAY SCONDE NA SU CAS



Bushiri: Diabierna anochi un rato despues cu Toque de queda a drenta na vigor, un patruya a bin topa cu un Nissan March riba caminda y a exigí e hoben tras di stuur pa para, pero esaki enbes di sigui ordo di polis a dicidi di manda su auto riba e polisnan y e la sigui core.

Esaki a sosode na altura di e Compleho di casnan di FCCA na Bushiri, mesora e polisnan a pidi refuerzo di nan coleganan y a sigui'e Nissan March, pero e hoben tras di stuur a core staciona e auto y drenta paden di su cas.

E mayornan di e hoben aki, a core lock e porta di cas pa polis no drenta paden y bay cu nan yiu. Pero e yiu no a lag'e te ey-

nan, e la sigui, via un bentana di camber e la sigui insulta y menasa polis.

Polis mesora a pidi un ordo di nan superior pa nan por drenta den e cas aki, si acaso e hoben nenga di coopera cu nan y no sali pafó di e cas.

Polis a papia varios biaha cu e personanan den e cas pa nan coopera, habri e porta y a bisanan bon cla cu si nan no habri e porta nan lo drenta na un otro forma den e cas.

Despues di basta rato e habitantenan a bin habri e porta di cas, mesora polis a drenta paden y a detene e hoben onbeschoft aki. E auto tambe a keda confiscá y a pasa esaki den man di recherche pa mas investigacion.



KICO TA DEPRESION Y CON PA RECONOCE ESAKI?



por pega soño of ta drumi interumpi y ta lanta mucho tempran;

- Bo ta drumi hopi mas cu normal;
- Bo ta perde placer den tur cos;
- Bo por tin pensamiento ariba morto of pa haci un acto di morto;

Pero depresion ta existi den diferente grado. Ora cu un persona haya e diagnostico cu e ta depresivo, ta haci e anotacion tambe di e gravedad di su sintomanan sea nan ta; leve, modera of grave, di cual e lo sigui haya e ayudo cu e tin mester.

Den e temporada di crisis aki nos t'ey pa yuda esnan cu tin'e duro y cu ta sinti cu nan ta of ta bay cay den depresion. Den un forma anonimo y GRATIS por tuma contacto cu nos na 2810909 pa combersa un poco di bo situacion y e salud mental. Nos tey tur dia di 2pm te cu 10pm.

Oranjestad, Aruba - Depresion ta un enfermedad mental cu ta bay hopi mas leu cu nos sentimentonan. Por ehempel, ora di ta sinti sin animo y ora bo ta sinti tristesa. E sentimentonan aki, sin animo y tristo, ta algo cu ta wordo splica como sentimentonan pasahero. Esaki ta nifica cu e sentimentonan por dura un paar di dia solamente caminda ta papia di sintomanan leve.

Ora ta papia di depresion ta ora cu e sintomanan aki ta existi pa un tempo mas largo di por lo menos 2 siman sigui y caminda e kehonan ta mas grave cu ora bo ta sinti un tristesa pasahero pues cu ta dura un paar di dia solamente.

E sintomanan di depresion por ta;

- Bo tin falta di apetit y bo no tin smaak di come;
- Dificultad pa drumi caminda bo no

**WASTE HANDLING
CLEANING SERVICES**

10FT

20FT

30FT

PRIJS DI BAKI:
AFL 150-175-200-250

*PRIJS TA DEPENDE DI KI TIPO DI SUSHI

YAMANOS NA:
560 3500 OF 563 4201



Esakinan ta e riesgonan di dietanan likido

Dietanan likido ta sigura pa su uso a corto plazo y semper bao di supervision di un dokter.

Actualmente ta existi hopi dieta. Nos no por lubida cu e clave pa perde peso ta pa nos consumi menos caloria di loke nos ta kima. Si nos no kier pa nos salud wordo afecta, nos mester cubri nos necesidadnan alimentario basico.

Un di e dietanan mas conoci cu dokternan ta recomenda prome cu somete na un procedimiento medico mescos cu pa e recuperacion, ta dieta likido ya cu e liki-



donan claro ta mas facil di digeri pa e curpa. E likidonan cla ta yuda pa nutri e curpa y preveni deshidratacion. Debi cu e likidonan cla

ta proporciona caloria, ta inclui awa, mentonan medico y ta

Virus di griep comun ta logra destrui celnan canceroso di cancer di blaas



Un cepa di e virus di verkoud ta logra destrui celnan di cancer di blaas, un avance cientifico cu por revolucionar e tratamentonan oncologico, segun un estudio publica den AACR.

Den e experimento, un grupo di investigador di e universidad di Surrey y di e Hospital Real di e Condado di Surrey (Reino Uni) a uza e cosackievirus (CVA21), un virus vincula na e constipado comun, den 15 pashent cu cancer di blaas no musculo-invasivo, e di dies tipo di cancer mas frecuente den Reino Uni.

Expertonan a inocula mediante cateter CVA21 den blaas di e enfermonan un siman prome cu nan a somete na un operacion quirurgico pa extirpa e tumornan.

Tras di realisa un analisis di tehidro despues di e cirugia

e investigadornan a descubri cu e virus a ataca solamente e celnan canceroso, infectando nan, reproduciendo den su interior y causando finalmente su morto. Mayoria di e pashentnan a experimenta un reduccion di e carga tumoral y un incremento den

morto di e celnan canceroso, mientras cu un di nan ya no tabata tin rastro di cancer tras un siman di tratamiento. Tambe no a observa efectonan secundario significativo den ningun di e enfermonan, e cientificonan a resalta. E tratamiento contra cancer di blaas actual ta supone un tratamiento prolonga y invasivo cu "ta ineficaz y toxico pa un parti di e pashentnan," Hardev Pandha, un di e autornan di e investigacion, a splica.

"E virus oncolitico manera coxsackievirus por transforma di manera di trata e cancernan y marca e abandono di tratamiento mas estableci manera un kimoterapia," Nicolas Annels, di e Universidad di Surrey a agrega.



ria, electrolito y awa, ta yuda nutri e curpa y preveni deshidratacion. No obstante, e dieta likito ta sigur pa su uso a corto plazo y semper bao di supervision di un dokter.

Un dieta likito cla ta varia, dependiendo di pakico un dokter a recomendar, pa loke ta importante cu e usuarionan obtene un lista cla di loke ta permiti y loke no ta permiti. Generalmente, un dieta

juicenan cla sin pulpa, bebidanan electrolitico manera ginger of cerbes, bouillon, manera thee tambe.

Riesgo y beneficianan Un dieta likito cla no ta un solucion di salud a largo plazo. Den corto plazo, su beneficianan ta inclui un digestion mas facil cu por preveni nausea y sacamento, ta haci e intestinonan limpi loke ta facilita e realisation di cierto procedi-

proporciona hidratacion y nutricion.

Di su banda, si nos sigui e dieta aki durante un periodo largo di tempo, e por conduci na desnutricion, specialmente den personanan cu ya ta nutricionalmente deficiente. P'esey e dieta aki no ta recomendabel pa personanan cu peso abao, cu desequilibrio nutricional, cu transtorno alimenticio of cu cierto trastorno endocrino.

Bao di un presion fuerte:

CHINA TA OPONE MAS FUERTEMENTE NA E INVESTIGACION DI CORONAVIRUS

Despues di Suecia, Alemania y Australia, e Comision Europeo awo tambe kier investiga e origen di coronavirus, cu e cooperacion di China.

"Mi ta kere ta importante pa nos tur," e presidente di e Comision, ursula von der Leyen, a bisa diabierna, den un entrevista na CNBC.

Tambe el a pidi mas transparencia. Esaki ta aumenta e presion riba Beijing pa duna mas apertura.

E Organizacion Mundial di Salud (WHO), cu a elogia e enfoque di China riba e brote di virus te na e momento, tabata sorprendentemente critico un dia prome.

China haciendo su propio investigacion, pero ta nenga na envolvere WHO, e hefe di WHO na China a revela, Gauden Galea.

Segun e, no tin un bon rason pa esaki.

Conflicto Diplomático

Debi na e criticanan, China ta keda un biaha mas su so. E ferocidad cu cual Beijing a sali cun'e no ta yuda.

Segun China, e politiconan Australiano ta uni den un "campana di desprestigio Mericano contra China."

E embahador Chino a menasa cu boicotea biña Australiano, universidad y carni di baca. Tambe el a bisa cu e turistanan Chines por mantene nan mes aleha.

Comerio entre e paisnan ta ekivalente na 138 biyon di euro pa aña. Casi un tercio di e importacionnan di Australia ta bay pa China.

Por lo tanto, e gobierno Australiano a formula preguntanan riba e momento y e tono diplomatico di e gobierno.



Pero Canberra ta mantene su mes firme y a pidi China pa no eherce "presion economico."

Simplemente no ta aceptabel

Mientras tanto, Donald Trump ta menasa cu sancionnan economico contra China, loke ta genera preocupacion pa e guerra comercial.

E presidente di Merca a reitera cu e virus ta bin di un laboratorio na Wuhan, aunke no a proporciona pruebanan oficial.

"E situacion entorno e virus simplemente no ta aceptabel." Trump ta considerando prohibi cu un fondo di pensioen di gobierno inverti den accionnan Chines.

Debi na e menasanan, e mercadonan bursatil di henter mundo a cay diabierna. Renminbi a cay dilanti e dollar na su nivel mas abao den un luna.

Anuncio di pagina completo

Bao cada biaha mas critico, e embahador Chines na Hulanda a dirigi na e poblacion Hulandes den un anuncio di pagina completo den Financieel Dagblad diabierna.

Xu Hong ta contradici cu China a interveni demasiado laat y no tabata habri. El a skirbi cu China ainda ta investigando con y di unda e virus a origina y ta critica e especulacionnan riba e laboratorio.

Xu ta considera "irasonabel" culpa e pais unda e virus a aparece pa prome biaha.

Xu ta kere cu China a cera na tempo y a mantene WHO totalmente informa.

Diplomacia asertivo

E anuncio ta ahusta na e diplomacia asertivo Chines durante e corona crisis. Segun un analisis realiza pa e Red Europeo di Think Tanks na China (ETNC), mester enfatisa cu aborda e virus ta un historia di exito.

Y pa loke ta e origen, no a keda demostra nada den e splicacion di China. Por lo tanto, e virus tambe por a bin di Merca.

China ta haciendo tur posibel pa cultiva bon boluntad den haci donacion di mask na tur e paisnan y manda dokter na e areanan afecta.

E medionan estatal Chines ta midi esaki aplice E analisis di ETNC ta muestra cu durante e coronacrisis, autoridadnan Chines a bira hopi mas activo den rednan social y den medionan tradicional.

Medionan imperativo no ta evita. Ta wordo bisa cu China a purba di influi un informe critico di Union Europeo di desinformacion di China, atraves di canalnan diplomatico.

E hefe di asuntonan exterior di Union Europeo, Josep Borrell, a enfatisa dahuebs cu e informe no a wordo dilui. "E Chinesnan no tabata contento y ainda nan no ta."

Ta caputra ocho implicadonan nobo den e intento frustra di incursion na Venezuela

Autoridadnan Venezolano a informa dialuna cu nan a captura na Chuao, pueblo costero di e estado Aragua, otro "ocho mercenario" vincula den e intento di incursion den e pais Suramericano.

Segun e gobernador di Aragua, Rodolfo Marco Torres, e implicadonan a wordo captura pa piscadonan di e sector, hunto cu e comunidad organisa, kendenan inmediatamente a entrega nan na e Forsanan Arma Nacional Bolivariana (FANB).

Mas tempran, presidente di e Asamblea Nacional Constituyente (ANC), Diosdado Cabello, a pidi e militar nan di e Unidadnan

di Bataya Hugo Chavez (UBCh), e hefenan di caya of comunidad, y e milicia nacional di e estadonan Aragua, Carabobo y La Guaira ta "den maximo alerta" pa frena e intentonan aki di incursion den e sectornan "montañoso y costero" di e pais.

"E incursionnan kier desembarca den e zonanan aki, nos mester informacion urgente di henter e zona, cualkier individuo of hende straño, cualkier movimiento, tuma contacto," Cabello a expresa.

E captura aki a tuma luga un dia despues cu "un grupo di mercenario terrorista" a purba un "incursion contra e soberania nacional,

door di pretende desembarca cu material di guerra na e costanan di Macuto, estado La Guaira," segun un comunicado di FANB.

Al respecto, e minister di Interior y Husticia, Nestor Reverol, a indica cu varios di e "terroristanan" a wordo elimina den e operativo y otronan captura.

Tambe, a wordo confisca un arsenal di 10 fusil di asalto, un pistool, cartucho di diferente caliber, seis vehiculo, un Go Fast y dos metrailleur, cu a wordo horta for di e parke di arma di e Palacio Federal legislativo.

E intento aki di agresion na Venezuela a sosode casi exactamente



un aña despues di e intento frustra di golpi di Estado cu a wordo encabesa pa e diputado opositor y autoproclama presidente encarga, Juan Guaido, na Caracas, compana pa e lider di derecha, Leopoldo Lopez.

Fabor ta paga fabor:

DESPUES DI 173 AÑA CU NAN A RICIBI AYUDO, IRLANDA TA YUDA INDIGENANAN 1,8 MIYON DOLLAR

E orgnaisadornan di un campaña di recaudacion di fondo pa e pueblonan Navajo y Hopi, dos nacion indigena Norteamericano afecta pa covid-19, a destaca e contribucion cu e Irlandes a haci den nan colecta.

E generosidad demonstra aki pa hopi di e habitantenan di e isla ta vincula na e donacion e Choctaw a ofrece na e nacion Europeo mas di 170 aña pasa. "Varios di e donacionnan reciente pa nos campaña den GoFundMe a wordo inspira den e Gran Hambruna di Irlanda, cu a cuminsa na 1845", e ekipo a publica.

"Na e momento difencil ey, na 1847, e nacion Choctaw a proporciona 170 dollar di ayudo na e Irlandesnan," e organisadornan a menciona, cu ta recorda cu no mucho antes, na 1831, e tribu tabata victia di e migracion forsa conoci como "Trail of Tears."

"E morto di hopi persona den e "Trail of Tears" a lanta e empatia pa e Irlandesnan den nan momento di necesidad.

(...) 173 aña mas despues (...), e fabor ta wordo debolbi atraves di donacionnan generoso di e pueblo Irlandes na e nacion Navajo durante nos tempo di crisis," e organisadornan ta señala. Actualmente e campaña,



cu a cuminsa dia 15 di maart, a recauda casi 1,8 miyon di dollar di e dos miyon fiha como meta.

E gran Hambruna Irlandes, causa pa e plaga di batata, a dura cuater aña entre 1845 y 1849. E profundo crisis alimentario cu a sigui riba e isla, den e epoca eynan completamente controla pa Reino Uni, tabata tin como consecuencia e morto di un miyon di persona y e migracion di hasta dos miyon.

Actualmente e poblacion di Irlanda ainda no a recupera te na e nivelnan anterior di e hambruna.

NACIONNAN UNI TA OPONE NA CUALKIER ESCALADA NA VENEZUELA

Nacionnan Uni ta opone na cualkier escalada na Venezuela y tur e contradiccionnan lo mester resolve atraves di un dialogo politico, e vocero di e secretario generla di e organizacion, Stephane Dujarric a declara dia 4 di mei den un rueda di prensa.

Dia 3 di mei, e minister di interior y husticia di Venezuela, Nestor Reverol a informa di un intento di incursion via maritimo den e pais, cu a wordo frustra pa autoridadnan local.

"Un grupo di mercenario terrorista, procedente di Colombia, a pretende di realisa un invasion maritimo cu e finalidad di comete actonan terrorista den e pais, perpetra asenatonan riba lidernan di e gobierno revolucionario y incrementa e spiral di violencia (...) y cu esey deriva un intento nobo di golpi di estado," e minister a declara.

Posteriormente, dia 4 di mei, e fiscal general di Venezuela, Tarek William Saab, a informa riba e captura di un homber identifica como Gustavo Adolfo Hernan-



dez, presunto implicado den un intento di incursion, via maritimo den e pais Suramericano, cu a sosode den e madrugada di diadomingo.

Ademas, Saab a declara cu "a surgi evidencianan contundente" cu ta vincula directamente e diputado opositor y presidente autoproclama encarga, Juan Guaido, den e operacion aki.

Di su parti, e presidente di Venezuela, Nicolas Maduro, a denuncia dialuna cu e intento fayido di incursion maritimo na e costa nort Venezulano, tabata tin como obhetivo central di asesin'e.

HOTLINE

SOL
Di Pueblo

744-0444

CAPT'E Y MAND'E

Expo permanente MANA habri pa publico



maximo 15 persona den e espacionan di exposicion permanente. Lo tin 'hand-sanitizer' na entrada di e sala di exposicion. Trahadornan di MANA lo supervisa cantidad y fluho di trahador y vigila e distancia social di dos meter. MANA lo percua cu tur espacionan publico lo ser hasi limpi regularmente. MANA ta conta cu cooperacion di tur bishitante pa facilita un experiencia unico di

Museo Arqueologico Nacional Aruba (MANA) lo habri bek parcialmente pa publico cuminsando diamars dia 5 di mei di 10'or di mainta pa 3'or di merdia di Dialuna pa Diabierna. Pa e proximo dos simannan lo habri solamente sala di exposicion permanente pa publico. E exposicion temporario "Caribbean Ties", no ta wordo habri ainda door cu e espacionan ta inadecua pa tene distancia social.

MANA ta promove salud publico y bienestar general door di cumpli cu e reglanan stipula door di gobierno. Ta permiti

Aruba su arkeologia. Haci uzo responsabel di por bishita MANA ainda gratis.

MANA ta sigui duna informacion na publico entre otro via social media tocante e exposicionnan actual y arkeologia di Aruba. Consulta nos paginan di Facebook Archeo Aruba y National Archaeological Museum Aruba. Por tuma contacto cu MANA pa mas informacion na telefon 582-8979 of email info4mana@gmail.com.

BE CONSIDERATE!

Maintain sufficient distance between visitors and museum staff.

Avoid forming groups in all rooms.

Please note the maximum number of visitors per room.

Thank you for your support!

Polis a core tras di hobennan tirando Yuwana cu rifle di aire na Bakval



Diamars mainta durante patruya na Bakval polisnan atento di distrito 2 a nota algun hoben cu rifle di aire den e mondanan un di e oficialnan a bay tras di nan pero e otro oficial den e auto a bay pasa

otro banda pa changa nan pero no a logra. Varios patruya a bay core rond pero no a encontra cu nan. Justicia no tin compasion cu ora hamber dal e ta dal duro y nan no sa pasa hamber pues nan no sa.

EXAMEN NA EPB TA BAI CUMINSA

Pa medio di e comunicado aki, directiva di EPB ta informa su estudiante y mayornan, cu entrante 12 di mei benidero scol ta habri pa e estudiante di klas 4. Estudiante ta ricibi 7 dia di preparacion pa nan SO2, cu ta tuma lugar dia 25 pa 29 di mei 2020. Estudiante ta ricibi informacion di su mentor tocante orario di les di preparacion. Estudiante cu no ricibi un mensahe di scol e siman aki, por fabor tuma contacto cu scol desde 11 di mei entre 8.00am pa 11.00am. Pa cu klas 1, 2 y 3 lo tin un otro anuncio mas despues. Debi cu 4e klas tin examen, y teniendo na cuenta e regla di distancia social, no por duna klas 1,2 y 3 les ainda na mei.

SERVICIO Y COMPRA

DELIVERY FREE

PEDIDO
TEL: 5684160

TA BENDE'AWA DI COCO FRESCO
ZETA DI COCO - COCADA - LEMON JUICE
TAMARIJN - ORANGE JUICE - SORSACA
ALOE VERA JUICE

TA BENDE NAN 1.5 LITER OF NA 20 ONS DEN BOTTER.

CUSHINA DI NESTOR TUR DIADOMINGO

Siribana 45a na "Sta Cruz"

MENU	
BBQ MIX.	13,-
BBQ GALINJA.	13,-
BBQ LOIN RIBS.	14,-
BBQ SPECIAL.	25,-
LOMITO.	16,-
CABARON.	17,-
PALO DI LOMITO.	6,-
GALINJA.	3,-
CABARON.	7,-
SALADA EX.	2,50
AROOS.	1,-
AROOS CON POLLO	2,50

POR JAMA OF WHATSAPP PA PEDIDO NA 7497071 OF PASA NA SIRIBANA DI 11OR PA 4OR.
SOCIAL DISTANCIA 1:50/2 METER.

7497071 OF 5690131

Cilantro's Grill Menu

Breakfast - Lunch - Dinner

CUMINDA CRIOYO
Sopi di Dia Special
Pa Pedidos: 594 0635

CLASIFICADO

e-mial: solodipueblo@gmail.com



TA BUSKA

Shipping container 20 pia
Tuma contacto cu na
562.9697

TA FURA

Orange Matrassen Fabriek

30% Y 40 %
di descuento riba cashi paña y cashi television.
Matras y Box
Busca mainta y haye atardi.
Set di sala, comedor etc.
Tel: 588-7468 / 593-4387

Abona na awor!

A BO NO MESTER SALI DI CAS Yama 585-9500 of
e-mail nos na solodipueblo@gmail.com

Tur marduga nos ta entрге den bo porta di cas!
Noticia cayente, ta aki bo ta haye!

Sopi di Letranan

I	I	G	W	Z	H	V	Z	O	C	O	C	H	X	O	K	T	Z
J	C	R	O	M	X	G	T	U	B	C	Q	F	X	D	C	I	U
B	F	E	E	C	E	A	V	G	Q	E	L	S	B	S	A	B	I
Z	T	L	A	S	R	R	P	A	E	A	A	M	Z	U	B	O	N
D	R	L	C	Y	J	A	I	G	Q	N	T	L	N	Q	L	F	Y
M	A	B	P	W	G	G	B	E	E	O	F	E	L	X	Y	L	F
P	J	O	V	I	G	I	L	A	N	T	E	J	B	I	P	S	Q
G	E	A	E	R	A	M	U	L	E	D	R	P	N	U	S	A	B
A	D	J	T	P	X	A	N	U	M	N	A	I	K	Y	C	L	I
L	E	S	I	E	X	I	N	X	T	R	F	P	E	C	B	O	M
G	B	R	E	C	Y	O	L	X	E	L	E	D	O	Z	J	Z	T
A	A	K	F	R	C	Z	B	N	E	Z	E	M	L	D	J	A	F
M	N	E	E	E	A	D	A	D	L	Y	E	J	O	G	N	T	A
A	O	R	L	V	Q	P	O	Q	A	T	F	T	C	H	Y	O	S
R	C	A	X	X	W	I	E	L	A	O	P	V	I	R	A	L	U
I	M	O	L	C	N	D	L	B	Z	Y	K	D	O	O	U	E	D
N	E	J	N	I	P	A	R	A	S	O	L	C	N	D	G	P	E
A	R	I	K	C	O	Z	K	A	H	C	N	A	L	P	A	E	M
L	V	I	L	T	H	D	K	O	J	E	R	G	N	A	C	R	R
T	B	Z	T	C	I	A	U	S	E	P	L	A	Y	A	A	E	L
U	L	G	T	A	O	G	A	V	I	O	T	A	B	U	P	N	O

- AGUA
- ALGAMARINA
- ARENA
- BARCO
- BIKINI
- CANGREJO
- COMETA
- CONCHA
- CUBETA
- DELFIN
- GAVIOTA
- LOCION
- MALECÓN
- MAREA
- MEDUSA
- MERIENDA
- OCEANO
- OLAS
- PALA
- PARASOL
- PELOTA
- PEZ
- PLANCHA
- PLAYA
- SERAPE
- SILLA
- TOALLA
- TRAJEDEBANO
- VIGILANTE

Crossword puzzles

The Wrath of....

- ACROSS**
1. He may cross the line
 5. Literary Finn
 9. Divide
 14. Desire
 15. Eye with desire
 16. Desire
 17. Made mad
 18. "Kaboom!"
 19. Loosen up
 20. CON
 23. Affirm at the altar
 24. Liza Doolittle's dwelling
 25. CON
 32. Drilled
 35. Domain of Eos
 36. Put to flight
 37. Hollywood Gardner
 38. Stan's comedic pal
 39. Former fort near Salinas
 40. "99 Luftballons" singer
 42. Freshman, typically
 43. Dates with a Dr., perhaps
 45. CON
 48. Word with go or by
 49. Recited in rhyme, perhaps
 53. CON
 58. Tartan garment
 59. "Night Sins" author Tami
 60. SASE, typically
 61. Dancer's support
 62. Fit
 63. "Dollhouse" heroine
 64. Jerk
 65. Mexican sauce
 66. Eye affliction
- DOWN**
1. Sends to stores
 2. Jazz Chick
 3. Rich Little's trade
 4. Place for a glasses case
 5. Rub elbows
 6. Unpleasant-sounding citrus

7. They may have their own tartan
8. 1996 VP candidate
9. Cut corners
10. Factory configurations
11. "Mission: Impossible" composer Schifrin
12. "Meatbals" director Reitman
13. Popular cowboy nickname
21. Was laid low by a high?
22. Broadcasting pioneer Arledge
26. Jung contemporary
27. Yarns
28. "Dallas" family name
29. "Breakfast for Dinner" eatery
30. _____ cloud (home for comets)
31. Assents
32. "Kaboom!"
33. Out's partner
34. Punjabi princess
38. SNL alum, Cheri
41. Surreptitious romances
43. Love personified
44. Jazz-men Ellis and Russell
46. Type of bicycle
47. High point
50. Color lightly
51. Like wool sweaters, for some
52. Daphnis's love
53. Response to a rake
54. Legal opening?
55. Imitation
56. Bindlestiff
57. Eden event
58. NOVA network

PRONOSTICO DI TEMPO VALIDO TE DIAMARS 05 DI MEI 2020, 18:00 ORA.

ELABORA DIALUNA 04 DI MEI 2020 17:00 (21:00 UTC)

TEMPO:
 AWE ANOCHI: LEVEMENTE TE PARCIALMENTE NUBLA I GENERALMENTE SECO
 DEN MARDUGA I MAYAN: LEVEMENTE TE PARSIALMENTE NUBLA SIN AWACERO DI IMPORTANCIA

TEMPERATURA MAXIMO 33 GRADO CELSIUS
 TEMPERATURA MINIMO 27 GRADO CELSIUS

BAHADA DI SOLO : 6:55 PM
 SUBIDA DI SOLO : 6:18 AM.

BIENTO:
 FOR DI DIRECCION GENERALMENTE OOST I MODERATE BASTA FUERTE;
 FORSA 4 TE 5 (20 TE 39 KM/ORA, 11 TE 21 NUDO). DEN DIA FUERTE, TE DURO DEN RAFAGA;
 FORSA 6 TE 7 (40 TE 61 KM/OR, 22 TE 33 NUDO)

SITUACION GENERAL DI TEMPO PA PROXIMO 24 ORA:
 NO TA SPERA CAMBIONAN SIGNIFICANTE DEN E CONDICIONAN ACTUAL DI TEMPO.
 NO TA SPERA AWACERO DI IMPORTANCIA I UN WEER GENERALMENTE SECO LO DOMINA. E DIFERENCIANAN DI PRECION DEN PARTI ZUID DI CARIBE TA PONE CU BIENTO LO TA FUERTE TE DURO DEN RAFAGA DEN PROXIMO DIANAN MIENTRAS CU STOF FINI PROCEDENTE DI SAHARA LO STROBA E VISIBILIDAD UN POCO DURANTE PROXIMO DIANAN.

CONDICIONAN MARITIMO/ ESTADO DI LAMA:
 UN ESTADO DI LAMA MODERATE LOCALMENTE POCO BRUTO NA E PARTINAN OOST TE NOORDWEST TA WORDU SPERA PA PROXIMO 24 ORA. OLANAN LO TA FOR DI OOST ENTRE 4 TE 7 PIA. POR SPERA E OLANAN DI MAS HALTO NA E PARTINAN OOST TE NOORDWEST.

AVISO/ ALERTA:
 TA PIDI OPERADORNAN DI BOTO CHIKITO PA BAI CU CAUTELA RIBA LAMA HABRI, ESPECIALMENTE NA PARTINAN OOST TE NOORDWEST DI COSTA. UN AVISO PA BOTO CHIKITO PA E PART OOST TE NOORDWEST DI COSTA LO POR BIRA NECESARIO DEN CURSO DI MAYAN DIAMARS.

FENOMENONAN SPECIAL: NINGUN

POTENCIAL DI AWACERO PA PROXIMO 24 ORA: 1 MM OF MENOS;
 LOCALMENTE ESAKI POR VARIA.

REGISTRACION DI TEMPERATURA (GRADO CELSIUS) Y AWACERO (MM) DEN ULTIMO 24 ORA:

AIRPORT : MAX 32 / MIN 27 / 0.0 MM
 WESTPUNT: MAX 32 / MIN 28 / 0.0 MM
 STA ROSA: MAX 32 / MIN 28 / 0.0 MM

PRONOSTICO DI TEMPO PA PROXIMO 3 DIANAN:
 PARCIALMENTE NUBLA I GENERALMENTE SECO. BIENTO LO TA FOR DI DIRECCION OOST; MODERATE BASTA FUERTE, FUERTE TE DURO, PROBABLEMENTE DE BEZ EN CUANDO DEN HOPI DURO RAFAGA;
 TEMPERATURA (GRADO CELSIUS) MAX / MIN LO TA:



			4				3	
		2			3		1	
9	1					5		
	8					7		
	6		2		1			
7				4				9
8				5				
							7	
		4	3				6	8



4		6	7					
				2	5		6	
						5		1
					3	6	1	
		7						
	6					2		3
9	4	5			6			
			4				3	
3				1		7		



4				9				8
		8				9		
	5							7
	8			5	2			3
		1			4			
	4		1			6	8	
					3			
5								
3			7		1	4		

WHO TIN PRUEBA CU E VIRUS TA DI ORIGEN NATURAL

Director ehecutivo pa Emergencianan Sanitario di WHO, Mike Ryan, a anuncia cu e organisacion tin prueba di e secuencia genético di coronavirus, cu ta demostra cu e virus ta di origen natural.

Den un conferencia di prensa di aluna, funcionarionan di WHO a afirma cu e evidencia basa di cerca di 15 mil muestra completamente secuencia di coronavirus, ta sugeri cu esaki ta di e origen natural, y cu no a mira indicionan cu un laboratorio lo tabata envolviden e creacion di e virus.

"Loke realmente nos tin mester di ompronde ta e vinculo intermedio, e animal cu a wordo infecta pa vleermuis y cu despues a infecta hende (...)

Di tur e pruebanan cu nos a mira, di tur e secuencianan disponibel (...) e virus aki ta di origen natural. Pero ainda nos mester haya e host intermedio na China," Maria van Kerkhove, hefe tecnico di e Programa di Emergencia di WHO a bisa di su banda.

Segun Mike Ryan, e afirmacionnan cu e virus a origina den un laboratorio Chines di Wuhan ta "speculativanan" for di e perspectiva di WHO.

E experto di WHO ta pidi un investigacion di origen di e virus "basa riba ciencia" y no den e politica.

E experto a sigura cu e no a ricibi di Merca datonan pertinente riba



e supuesto origen di e virus y a agrega cu mester compronde mas riba esaki.

"Nos no a ricibi ningun dato of evidencia specifico di Gobierno di Merca relaciona cu e supuesto origen (di coronavirus).

For di nos perspectiva, esaki ta sigui ta speculativo. Si e dato y pruebanan aki ta disponibel, ta Gobierno di Merca ta esun cu mester dicidi ki ora nan por wordo comparti," Ryan a agrega.

Secretario di Estado di Merca, Mike Pompeo, a expresa diadomingo ultimo cu e ta considera cu ta existi un "evidencia enorme" cu coronavirus a origina den un laboratorio Chines di Wuhan.

Presidente di e pais, Donald Trump, tambe a endurece su retorica relaciona cu China y a declara cu ta posibel cu Peking no por a contene e brote di covid-19 of si ta bon stop pa e virus propaga.

Di su parti, e Instituto di Virologia di Wuhan ta nenga rotundamente ta e origen di covid-19, subrayando cu "no tin forma" cu e ta bin di su laboratorio.

Abona na



A BO NO MESTER SALI DI CAS

Yama 585-9500 of

e-mail nos na solodipueblo@gmail.com

FORTALEZA PA FAMILIA.

Scirbi pa Pastor Marcel Balootje.

UN BENDICION SPECIAL PA MAMA

Bon dia bendicion y un feliz dia pa tur nos fiel lesadornan.

Diadomingo awor ta dia di Mama, den un palaBra bisa tur dia ta dia di mama, pero riba e fecha di diadomingo awor nos tur ta celebra un fiesta special pa e ser mas keru cu a trece nos na mundo.

Tur hende tin un mama biologico y un tata biologico, y aunke kico cu pasa den bida nan no por wordo cambia.

Un mama of un tata por nenga un yiu via di ley, of un rechaso profundo den Famia, pero nunca nan por kita e marca di Dios den nan bida cu e yiu ey ta di nan.

Beibel ta conta nos di un historia masha special di un yiu cu su mama a hañe cu dolor, y pesey su mama a yame Jabes, cual ta nifica dolor. Pero den 1 Cronicas 4:9 beibel ta siña nos lo siguiente: Jabes tabata mas honorable cu su ruman hombernan, y su mama a yame Jabes bisando: Pasobra ta cu dolor mi a hañe. Y awor Jabes a invoca e Dios di Israel bisando; O cu Abo lo bendicionami di berdad y haci mi territorio mas grandi, y cu bo man lo ta cu mi, y cu Abo

lo wardami di malo, pa pena no tocami. Y Dios a dune loke e a pidi. Cu un simpel oracion Jabes a trece un cambio den su bida y normalmente e cambio mester a bini den bida di su mama, pasobra ta imposibel cu un yiu por lubida riba su mama ora cu situacion drecha pe.

Hopi biaha den nos curazon nos ta anhela hopi cos y nos ta carga hopi speransa den cosnan material, y mientras nos ayudo ta den man di Dios.

Hopi ta wordo planea sin corda cu Dios ta doño di tur cos, hasta ora hende ta malo nan kier tur sorto di opinion, pero poco biaha ta corda cu nos Sanador ta Hesus Cristo.

Awor aki mes durante e virus aki, miyones ta wordo inverti pa traha un vacuna, pero poco ta wordo bisa cu nos ta pidi Dios duna nos sabiduria pa por inventa un vacuna. Pasobra hende kier tur fama pa nan mes y no kier duna e Gloria na Dios.

Nos kier probecha e momento special aki pa desea tur Mama den Reino Hulandes un feliz dia

di mama. Pero tambe nos kier pidi tur yiu pa corda riba nan mama. Pasobra awor mas cu nunca nos mester pone atencion na nos mama. Especial esnan cu tin e na bida. Nos mester mantene distancia social, pero con nos lo practica distancia social for di esun cu a trece nos na mundo.

Tin hopi hende cu lagrima na wowo, pasobra nan a priminti nan mama cu ta den exterior un bishita, pero pa awor esaki lo no ta posibel.

Diadomingo awor si ta na bo alcance bishita bo mama aunke bo tin cu wanta distancia social, no manda un app di dia di mama, segun bo forsa dune su regalo, haci tur loke ta posibel pa bo dune un

dia bendiciona, si bo mama ta biba den exterior no laga nada stroba bo di manda algo pe, pa asina den e tempo dificil aki bo cumpli cu mandato di Dios pa Honra bo Tata y bo Mama di un forma digno, pa tur cos bay bo bon y pa bo tin bida largo riba e mundo aki.

Tin hopi nomber pa mama, tin ta bisa, Mamai, Mami. Mama. Ma. Mamuchi, pero tur esaki ta e expression di respet cu nos tin pa nos mama.

Sea bendiciona tur Mama riba nan dia, y Dios bendiciona tur yiu cu ta aprecia y Honra nan Mama. Nos oracion ta pa Dios bendiciona tur mama rond mundu, y cu e paz y favor di Dios permanece riba nan.

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

CLUB KIBRAHACHA TA EXTENDE ORARIO DI TELEFOON GRATIS PA 60+

Desde 21 Maart Club Kibrahacha hunto cu CEDE Aruba y un grupo di NGO a inicia un linea di telefoon pa 60+. Club Kibrahacha ta encarga pa maneha e linea di telefoon 280-0505. E linea di telefoon ta gratis pa conversa pa 60+. E linea di telefoon ta accesibel tur dia. E orario ta for di 08:00 mainta pa 08:00 di anochi. Durante ultimo 6 siman e linea di telefoon gratis aki a sirbi pa nos grandinan keda den contacto y alavez haya informacion of guia durante e periodo di Covid-19. E linea di telefoon ta sirbi tur 60+ na Aruba cu tin pregunta of kier solamente combersa.

Nos grandinan a jama pa ayudo y informacion relata na diferente topiconan manera e estado di salud, e necesidad pa alimentacion, vivienda adecuado y transporte. Alavez e seguridad di nos grandinan tambe tabata un preocupacion bou di nos grandinan.

E team di voluntario a skucha nos grandinan y duna tur informacion of guia necesario pa esaki. Tin situacion na unda a dirigi of intermedia cu otro instancianan concerni. E manera di traha aki a duna nos grandinan e sentimiento di ser skucha y guia pa cu nan necesidadnan.

Recientemente Club Kibrahacha a forma un team di voluntario cu a registra via e plataforma pa voluntario di CEDE Aruba www.org.aw cu awor ta atende tambe cu nos grandinan cu kier keda den contacto cu un persona. E voluntarionan aki tin como tarea pa jama e persona di edad abase regular pa asina combersa of duna guia of sosten unda cu por. Durante e ultimo siman por a constata cu tin un necesidad pa e servicio di telefoon pa nos grandinan na Aruba continua despues di e periodo di Covid-19. E telefoon 280-0505 ta gratis y orario ta di 08:00

Liña di telefon pa 60+

280-0505

GRATIS

8 OR DI MANTA - 8 OR DI ANOCHI

BAN COMBERSA Y NO PREOCUPA


am - 08:00 pm. Nos tin un team di voluntario hopi motiva pa scucha bo y guia bo.

Nos tata no a muri, Señor a manda busca su Angel bek cu el a manda na mundo pa forma un famia ehemplar.

Cu inmenso tristesa na nos curason, nos ta anuncia cu a bai laga nos den brasa di señor mi esposo, tata, welo y bisawelo stima

Rosindo Gomes,

cariñosamente yama "Chimbo"
* 30 augustus 1938 - † 27 april 2020



Esposa stima:

Rafaela "Ely" Gomes-Wernet

Yiunan:

Benito y Gwendolyn Gomes-Loopstok y famia
Juan Gomes y Shirley Rafini y famia
Irvin Gomes
Elvis Gomes y Jenny Boekhoudt y famia
Eldwin y Yuraima Gomes-Tromp y famia

Nieto y nietanan:

Mary-Ann Gomes y Pedro Kock y famia
Julienne Gomes y Jorèll de Cuba y famia
Wilbert Gomes y Darling Colina y famia
Mary-Jane Gomes y Raynor Henricus y famia
Yurwin Gomes
Yurgen Gomes
Jennyanne Gomes
Elvienne Gomes
Elvin Gomes
Carol Medina

Bisanieto y bisanietanan:

Jayceline, Jaydrick, Jaylen y Geixilienne

Rumannan:

†Marcolino y †Francisca Gomes-Geerman y yiunan
Dominico y Chinda Geerman-Jacobs y yiunan
†Maria y Erwin Mackintosh-Geerman y yiunan

Swa y cuñanan:

†Marie y †Laurens Dirksen-Wernet y famia
†Alberto y Franie Wernet-Kelly y famia
Mamita y †Bartolo Dirksen-Wernet y famia
†Fabia y †Alfonso Croes-Wernet y famia
†Louis y †Milady Wernet y famia
Sra. Vda Celedonia Maduro

Tur tanta y omonan, sobrino(a)nan, primo(a)nan, comper y comernan, tur su ihanan, bon bisiñanan, amigonan y ex-coleganan di Lago, Coastal y Valero.

Amigonan yegá di cas: Max y Filomena Tromp, Buchi y Eloiza Koolman, Jhonny Curiel y famia, Theo y Mireya Rasmijn, Tony y Glenda Loopstok, Bubu y Irma Curiel y famia, Leo Bremo.

Un danki na tur esnan cu a yuda na hospital, tur dokter y enfermero(a)nan. Na su dokter di cas, Dr. Kenneth Croes y assistentenan pa nan tempo y pasenshi. Tambe na su ayudante Lola Geerman pa su bon trabou y tempo.

Na Koningin Wilhelmina Kankerfonds y Bibi Arends di Aruba Lions pa nan aporte.

Demas famia Gomes, Wernet, Geerman, Croeze, Mackintosh, Jacobs, Loopstok, Rafini, Boekhoudt, Tromp, De Cuba, Pontilius, Dirksen, Kelly, Croes, Maduro, Kock, Franken, Rincones, Wever, Koolman y Henricus.

Na momentonan di dolor nan contribucion ta un gran sosten.

Pesey un donacion na Koningin Wilhemina Kankerfonds lo ta altamente aprecia.
CMB no. 112.039.705.

Pa condolencia: 38gomesr@gmail.com

Camara di seguridad a capta ladron hortando lusnan solar den oranan di madrugada na un cas na Paradera!



Diamars madrugada a drenta informe di un caso di ladronicia na un cas na Paradera, mesora a dirigi un patruya na e sitio. Na yegada di e patruya a bin compronde cu un ladron lo a horta lusnan solar

for di e cas. Pero e camara di seguridad a capta e sospechoso cu a comete e ladronicia aki. Polis a busca e sospechoso pero no a bin encontra cun'e.

ORACION DI DIA

Rumannan un dia fructifero y cu Dios colma nos cu Su amor y paz

“ Mi carnenan ta scucha Mi stem; Ami conoce nan y nan ta sigui Mi. Hn, 10,27

Nos ta e carnenan cu ta e rebaño di Señor y cu ta Iglesia. Ser miembro di e rebaño ta haci nos posibel pa scucha e stem di e Bon Pastoor. Esey ta haci cu nos ta ser guia pa e stem di esun cu semper a conduci nos riba e caminda di berdad y bondad. Nos no mester sali for di e rebaño, cu ta Iglesia, pasobra ta eynan ta na unda nos ta scucha semper e berdadero Palabra di Dios. Sin cu tin interpretacion robes cu ta hiba nos na erornan grave. Ta den Iglesia nos por conoce y sigui e berdad di Hesus. Nos no mester cay den eror di sali for di e rebaño pa scucha otro stem. Eseyan ta palabra mentiroso cu ta seduci nos y cu ta saca nos for di e unico caminda cu nos mester cana, cual ta Hesus, nos mester ta habri pa conversion y cambionan necesario pa sigui e Bon Pastoor.

Oracion: Tata laga nos ta consciente cu nos ta forma parti di e rebaño di Hesus. Esey kiermen, Iglesia y cu pa semper nos mester scucha e berdadero stem di Hesus. Amen

Huan 11: 25

Hesus a bis'é: 'Ami ta resurekshon i bida; esun cu kere den Mi, lo biba asta si e muri'.

Cu inmenso dolor na nos curason pero conforme cu boluntad di Señor, nos ta anuncia fayecimento cristianamente di nos estimada Mama, Wela, Bisa-wela, Tatarawela, Ruman, Suegra y Tanta

Sra. Vda COSMA (Tina) GEERMAN-RAS

Cariñosamente yama "Mama Tina" of "Tina di Foyan"

*27 September 1927 – †27 April 2020



Na number di su casa stima:
†Floriano "Foyan" Geerman

Na number di su yuinan stima:
Jacenta Geerman
Rebecca Geerman na Hulanda
†Betto Geerman
Mena Geerman
Anchi y Angel Ruiz-Geerman na Puerto Rico
Servacio y Marlene Geerman-Kock
Reina Geerman na Hulanda
Sita Geerman
Macca y Jesus Caraballo-Geerman na Puerto Rico
Chito Geerman
Dina Geerman

Nieto mescos cu yiu:
Juan Carlos y Clarissa na Merca

Demas nietonan stima:
Gerald y Erlouska, Jessie y Ramidin, Anoushka y Fransisco, Maureen y Hassan, Nürka y Maarten, Reinbert, Geraldine y Marc, Juni y An-nique, Edward y Zihnaira, Davin, Arvin y Maaïke, Primnath y Serena, Sharda y Ferres, Zulayma y Onno, Kathleen y Robinson, Glenrick y Joanne, Rachelle y Carlos Nelson, Anoushka, Sharlene

Bisanietonan stima:
Jeremiah, Benjamin, Timothy, Chantal, Sari-Lane, Anis y Sarah, Amal, Thorben, Ilaijah, Noah, Owen, Neale, Neville, Janissa, Jarissa, Janely, Priscilla, Roman, Marouan, Samir, Allan, Aliyah, Gilward, Gilly-Ann, Robison, Robenson, Alondra, Jeremy.

Tataranieta stima:
Maysae

Rumanan stima:
Maria Ras y famia
Mona y Harry (Chonai) Feliciano-Ras y famia
†Chimina y † Nico Tromp-Ras y famia
†Luicita Ras y famia

Subrina mas serca
Jacky y Doque Croeze-Ras y famia

Ihanan, subrino- y subrinanan, comper- y comernan, primo- y primanan

Cuña- y swanan:
†Chichi y †Cerilio Wernet-Geerman y famia
†Stebanita y †Pablo Henriquez-Geerman y famia
†Candida Geerman
†Luisa y †Mario Perez-Geerman y famia

Asistente na cas:
Euri y Krystle

Su amiga- y amigonan stima:
Chila Dirksz y famia, Chida Croes y famia, Sofia Croes y famia, Louise Koolman y famia, Nonny Jacobs y famia, Cira Wever y famia, Mirto Croes y famia, Legion di Maria Santa Cruz

Nos disculpa si den nos tristesa nos por a lubida un of otro persona. Pa motibo di e situacion actual relaciona cu "Shelter in Place", nos ta lamenta cu nos no por ricibi bishita di condolencia na cas. E acto di entierro lo tuma lugar den seno familiar. Masha danki pa e comprension.

Por condoleer famia via email: DrumidushiMamaTina@gmail.com



WOMEN'S CLUB OF ARUBA

Primavera 1, P.O. Box 556, Oranjestad

K.V.K. nr. 35838



Women's Club of Aruba a yama ayo na LIFE member Olga Vasquez

Mas of menos dos siman pasa, nos di Women's Club of Aruba (WCA), cu hopi dolor na nos curason, a yama ayo na Olga Vasquez, nos LIFE member stima.

Na 1976, Olga a bira miembro di WCA y durante hopi aña Olga tabata un boluntario masha dedica, specialmente e tabata duna su tempo pa apoya bendemento di ticket pa nos por a recauda fondo, pa di e forma aki cu amor, uza su tempo pa duna bek na comunidad.

Olga tabata propietario di Joyeria Olga Vasquez y hopi biaha e tabata haci donacion di regalonan special pa nos uza como door prize durante nos reunionnan general mensual di miembrecia. No solamente esey, e tabata pone varios di su joyanan disponibel pa anos di WCA por a uza durante nos shownan di joyanan precioso. Na maart 2014, Olga a wordo instala como LIFE member di WCA. Ariba e dia aki, Olga, hunto cu otro dies miembro a wordo honra door di WCA pa tur e añanan di amor trahando boluntariamente pa e comunidad di nos dushi isla Aruba. LIFE member Olga tabata un ser humano bunita, tanto di paden como di pafo (*inside and out*). WCA ta desea su yiunan, nietonan y demas famia hopi forza den e dianan dificil aki. Olga stima, drumi dushi den brasa di Señor!



Fotonan pa cortesia di Emperatriz Perdomo.

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
☎ 585-9500